

II LIÁT-ÔNG-KÌ (12)

1 A-hap sí-liáu, Mô-ap poē-poān Í-sek-liát. A-hap-siā tùi Sat-má-lī-a ê lâu-téng ê lân-kan poáh--lòh-lâi, tì-pīⁿ; chiū chhe sù-chiá, kā in kóng, Lín khi mng Í-kek-lùn ê siōng-tè Pa-lék-se-pok, goá chit ê pīⁿ oē hó á-boē. ³Chóng-sī Iâ-hô-hoa ê sù-chiá kā Thê-su-pí lāng Í-lī-a kóng, Lí khí--lâi, chiūⁿ-khi chih Sat-má-lī-a ông ê sù-chiá, kā in kóng,, Lín khi mng Í-kek-lùn ê siōng-tè Pa-lék-se-pok, sī in-ūi Í-sek-liát tiong bô Siōng-tè mah? ⁴Só-í Iâ-hô-hoa án-ni kóng, Lí boē-oē koh lòh-khi lí só· chiūⁿ-khi ê bîn-chhng, tek-khak oē sí. Í-lī-a chiū khi.

⁵Sù-chiá tò-lâi kìⁿ ông, ông mng in kóng, Lín ūi sím-mih tò-lâi? ⁶Sù-chiá in i kóng, Ū chit-lāng tú-tiòh goán, kā goán kóng, Khi ah, lín tò-khi kìⁿ chhe lín ê ông, kā i kóng, Iâ-hô-hoa án-ni kóng, Lí chhe lāng khi mng Í-kek-lùn ê siōng-tè Pa-lék-se-pok, sī in-ūi Í-sek-liát tiong bô Siōng-tè mah? só-í lí boē koh lòh-khi lí só· chiūⁿ-khi ê bîn-chhng, tek-khak oē sí. ⁷Ông mng in kóng, Chiūⁿ-lâi tú-tiòh lín, kā lín kóng chiaⁿ ê oē ê, i ê hêng-chōng siáⁿ-khoán? ⁸Īn kóng, I chhng ū-mng ê saⁿ, io hâ phê-toà. Ông kóng, che sī Thê-su-pí lāng Í-lī-a.

⁹Ông chiū chhe ngó·síp-hu-tióng chhoā i hí gō·cháp lāng khi Í-lī-a hia, I chiūⁿ-khi i hia; khoàⁿ ah, Í-lī-a chē tī soaⁿ-téng. Ngó·síp-hu-tióng kā i kóng, Siōng-tè ê lô·pók ah,

ông kóng, Lí tiòh lòh-lâi. ¹⁰Í-lī-a in ngó·síp-hu-tióng kóng, Goá nā sī Siōng-tè ê lô·pók, goān hé tùi thiⁿ lòh-lâi, sio lí kap lí hí gō·cháp lāng; chiū ū hé tùi thiⁿ lòh-lâi sio i kap i hí gō·cháp lāng. ¹¹Ông koh chhe chit ê ngó·síp-hu-tióng, chhoā i hí gō·cháp lāng, khi Í-lī-a hia; i chiū kā i kóng, Siōng-tè ê lô·pók ah, ông kóng, Lí kín-kín lòh-lâi. ¹²Í-lī-a in in kóng, Goá nā sī Siōng-tè ê lô·pók, goān hé tùi thiⁿ lòh-lâi, sio lí kap lí hí gō·cháp lāng; chiū ū Siōng-tè ê hé tùi thiⁿ lòh-lâi, sio i kap i hí gō·cháp lāng. ¹³Ông koh chhe tē-saⁿ tui ê ngó·síp-hu-tióng chhoā i hí gō·cháp lāng; hit ê tē-saⁿ tui ê ngó·síp-hu-tióng chiūⁿ-khi kúi tī Í-lī-a ê bîn-chng, khún-kiū i kóng, Siōng-tè ê lô·pók ah, kiū lí liàh goá ê sīⁿ-miā kap lí chí gō·cháp ê lô·pók ê sīⁿ-miā choè pó-poè. ¹⁴Khoàⁿ ah, í-keng ū hé tùi thiⁿ lòh-lâi sio-sí í-chng nng ê ngó·síp-hu-tióng, kap i ták-ê gō·cháp lāng; taⁿ kiū lí khoàⁿ goá ê sīⁿ-miā choè pó-poè. ¹⁵Iâ-hô-hoa ê sù-chiá kā Í-lī-a kóng, Lí kap i lòh-khi m-bián kiaⁿ i. ¹⁶Í-lī-a chiū khí-lâi, kap i lòh-khi kìⁿ ông; kā i kóng, Iâ-hô-hoa án-ni kóng, Lí chhe lāng khi mng Í-kek-lùn ê siōng-tè Pa-lék-se-pok, sī in-ūi Í-sek-liát tiong bô Siōng-tè hō lí mng I ê oē mah? só-í lí boē koh lòh-lâi lí só· chiūⁿ-khi ê bîn-chhng, tek-khak tiòh sí.

¹⁷Ông chiū sí, chiàu Í-lī-a só· thoān Iâ-hô-hoa ê oē; ông bô kiáⁿ, Iâ-hô-lâm soà-chiap

ūi, tī Iū-tāi ông Iok-sa-hoat ê kiáⁿ Iâ-hô-lâm tē-jī nī. ¹⁸A-hap-siā kī-ū ê sū, kiám bô kī tī Í-sek-liát chiaⁿ ê ông ê kī-liók mah?

2 Iâ-hô-hoa beh ēng kúg-lê-hong chiap Í-lī-a chiūⁿ-thiⁿ ê sī, Í-lī-a kap Í-lī-sa tui Kiat-kah khi. ²Í-lī-a kā Í-lī-sa kóng, Lí chhiáⁿ tiàm chia, in-ūi Iâ-hô-hoa chhe goá khi Pek-ték-lī. Í-lī-sa kóng, Goá kí éng-oáh ê Iâ-hô-hoa, kap lí ê oáh-miā lâi chiū-choā, goá bô beh lī-khui lí; nng-lâng chiū lóh-khi Pek-ték-lī. ³Tī Pek-ték-lī hiah ê sian-ti ê hák-seng chhut-lâi kīⁿ Í-lī-sa kā i kóng, Iâ-hô-hoa kin-á-jit beh chhú lí ê ló-su lī-khui lí khi, lí chai mah? I kóng, Sī, goá chai, lín bôh choè-siaⁿ. ⁴Í-lī-a kā i kóng, Í-lī-sa ah, lí chhiáⁿ tiàm chia, in-ūi Iâ-hô-hoa chhe goá khi Iâ-lī-ko. I kóng, Goá kí éng-oáh ê Iâ-hô-hoa, kap lí ê oáh-miā, lâi chiū-choā, goá bô beh lī-khui lí. In chiū kàu Iâ-lī-ko. ⁵Tī Iâ-lī-ko hiah ê sian-ti ê hák-seng chiū-kūn Í-lī-sa, kā i kóng, Iâ-hô-hoa kin-á-jit beh chhú lí ê ló-su lī-khui lí khi, lí chai mah? I kóng, Sī, goá chai, lín bôh choè-siaⁿ. ⁶Í-lī-a kā Í-lī-sa kóng, Lí chhiáⁿ tiàm chia, in-ūi Iâ-hô-hoa chhe goá khi Iok-tàn. Í-lī-sa kóng, Goá kí éng-oáh ê Iâ-hô-hoa, kap lí ê oáh-miā, lâi chiū-choā, goá bô beh lī-khui lí. In nng-lâng chiū saⁿ-kap khi. ⁷Ū sian-ti ê hák-seng gō-cháp lêng khi, hng-hng khiā tī in ê tui-bīn; nng-lâng tī Iok-tàn hô-piⁿ teh khiā. ⁸Í-lī-a thêh i ê goā-saⁿ kúg--khi-lâi, phah hiah ê chúí, chúí chiū hun siang-pêng; nng-lâng kiāⁿ ta-toē kè-khi. ⁹Kè-khi liáu, Í-lī-a kā Í-lī-sa kóng, Goá iáu-bē siū-chhú lī-khui lí khi, goá beh kā lí choè sím-mih? lí taⁿ tióh kiū. Í-lī-sa kóng, Kiū lí chiong kám-tōng lí ê sīn hō goá siang-hūn. ¹⁰Í-lī-a kóng, Lí sóⁿ kiū--ê, oh--tit ah; chóng-sī goá siū-chhú lī-khui lí ê sī, lí nā khoàⁿ-kìⁿ goá, chiū beh tit-tiòh; nā bô,

chiū boē tit-tiòh. ¹¹In teh-kiāⁿ teh-kóng, hut-jian ū hé-chhia hé-bé, keh-khui in nng-lâng; Í-lī-a chiū chē kgn-lê-hong chiūⁿ-thiⁿ. ¹²Í-lī-sa khoàⁿ-kìⁿ, chiū kiò kóng, Goá ê pē ah, goá ê pē ah, Í-sek-liát ê chiàn-chhia kap i bé-peng ah. Āu-lâi bô koh khoàⁿ-kìⁿ i; chiū thêh ka-kī ê saⁿ lâi thiah choē nng-pêng.

¹³I khioh Í-lī-a ka-lauh lóh-lâi ê goā-saⁿ, tò-túg-khi khiā tī Iok-tàn hô-piⁿ. ¹⁴I ēng Í-lī-a ka-lauh lóh-lâi ê goā-saⁿ phah chúí, kóng, Í-lī-a ê Siōng-tè Iâ-hô-hoa tī toh-lóh? phah chúí liáu-āu, chúí chiū pun siang-pêng; Í-lī-sa chiū kè-khi. ¹⁵Sian-ti ê hák-seng, tiàm tī Iâ-lī-ko tī i ê tui-bīn ê, khoàⁿ-kìⁿ i, chiū kóng, Kám-tōng Í-lī-a ê sīn tiàm tī Í-lī-sa lah; in chiū lâi ngiā-chih i, phak-lóh tī i ê bīn-chêng. ¹⁶Kā i kóng, Lí khoàⁿ ah, lí ê lô-pók chia ū chòng-sū gō-cháp lêng; kiū lí chún in khi chhē lí ê ló-sū; kiaⁿ-liáu Iâ-hô-hoa ê Sīn leh i, hiat tī bóⁿ ê soaⁿ, bóⁿ ê soaⁿ-kok. I kóng, M-thang chhe. ¹⁷In pek i kàu hōⁿ i pháiⁿ-ê, i chiū kóng, Lín thang chhe i. In chiū chhe gō-cháp lêng khi, chhē saⁿ jit, iā chhē-bô. ¹⁸I tī Iâ-lī-ko theng-hāu, in tò-lâi kàu i hia; i kā in kóng, Goá kiám-bô kā lín kóng, M-thang khi mah?

¹⁹Siāⁿ-lâi ê peh-siⁿ kā Í-lī-sa kóng, Chhiáⁿ lí khoàⁿ chit ê siāⁿ ê toē-tiám sī hó, chiàu goá ê chú sóⁿ khoàⁿ-kìⁿ--ê; chóng-sī chúí pháiⁿ, tì-kàu thóⁿ-toē bô chhut-sán. ²⁰Í-lī-sa kóng, Lín thêh chit ê sīn ê pân, toé iâm lâi hō goá. In chiū thêh lâi hōⁿ i. ²¹I chhut-khi kàu chúí-choāⁿ, chiong iâm piāⁿ tī hit lâi-bīn, kóng, Iâ-hô-hoa án-ni kóng, Goá i-hó chit ê chúí, bô koh tui hia ū sí-bô, á-sī bô chhut-sán. ²²Hit ê chúí chiū i-hó, kàu kin-á-jit; chiàu Í-lī-sa sóⁿ kóng ê oē.

²³Í-lī-sa tui hia chiūⁿ-khi Pek-ték-lī, chiūⁿ-lōⁿ ê sī, ū gín-ná tui siāⁿ-lâi chhut-lâi, thí-

chhiò i, tùi i kóng, Liù-hiáh-ê, chiūⁿ-khì o·h, liù-hiáh-ê, chiūⁿ-khì o·h. ²⁴I oát-thâu khoàⁿ in, chiū hōng Iâ-hô-hoa ê miâ chiù-chó· in; chiū ũ nng chiah hîm-bú tùi chhiū-nâ-lâi chhut-lâi, peh-thiah in tiong-kan sì-cháp-jī ê gín-ná. ²⁵I tùi-hia chiūⁿ Ka-bit soaⁿ; koh tùi hia tò-khì Sat-má-lī-a.

3 Iû-tâi ông Iok-sa-hoat chap-poeh nî, A-hap ê kiáⁿ Iâ-hô-lâm tī Sat-má-lī-a chē-ūi, choē Í-sek-liát ông, kiōng chap-jī nî. ²I kiâⁿ Iâ-hô-hoa só· khoàⁿ-choē pháiⁿ ê sū; chóng-sī bô chhin-chhiūⁿ i ê lâu-pē i ê lâu-bú só· choē-ê; in-ūi in lâu-pē só· chhòng Pa-lék ê thiâu-siōng, i ũ tū-khì. ³Chóng-sī i khîⁿ-tiâu Nî-pat ê kiáⁿ Iâ-lô-phò-àm hō· Í-sek-liát hoân-choē hit hō choē, lóng bô lī-khui.

Mô·ap ông Bí-sa chhi choē-choē iūⁿ, nî-nî ēng chap-bân chiah iūⁿ á ê mng, chap-bân chiah mî-iūⁿ-káng ê mng, chìn-kòng Í-sek-liát ông. ⁵A-hap sí-liáu, Mô·ap ông poē-poān Í-sek-liát ông. ⁶Hit-sī Iâ-hô-lâm ông chhut Sat-má-lī-a, tiám-sng Í-sek-liát cheng-lâng. ⁷Khí-sin ê sī, chhe lêng khì kîⁿ Iû-tâi ông Iok-sa-hoat, kóng, Mô·ap ông poē-poān goá, lí khéng kap goá khì kong-kek Mô·ap mah? I kóng, Goá beh chiūⁿ-khì, goá chhin-chhiūⁿ lí, goá ê peh-siⁿ chhin-chhiūⁿ lí ê peh-siⁿ, goá ê bé chhin-chhiūⁿ lí ê bé. ⁸I kóng, Lán beh tùi toh-lòh chit tiâu lō· chiūⁿ-khì ah? I kóng, Tùi Í-tong khòng-iá ê lō·. ⁹Í-sek-liát ông kap Iû-tâi ông kap Í-tong ông chiū khì; kiâⁿ-sêh chhit-jit ê lō·-chām, kun-tūi kap tè in ê cheng-siⁿ bô chúi thang lim. ¹⁰Í-sek-liát ông kóng, Chhám ah, Iâ-hô-hoa chū-chíp chí saⁿ ê ông, beh chiong in kau tī Mô·ap lêng ê chhiú. ¹¹Iok-sa-hoat kóng, Tī-chia kiám bô Iâ-hô-hoa ê sian-ti, lán thang thok i lăi mng Iâ-hô-hoa mah? Í-sek-liát ông chit ê lô·pók in

kóng, Chêng piàⁿ-chúi tī Í-lī-a ê chhiú--ê, Sa-hoat ê kiáⁿ Í-lī-sa tī-chia. ¹²Iok-sa-hoat kóng, I ũ Iâ-hô-hoa ê oē. Í-sek-liát ông kap Iok-sa-hoat kap Í-tong ông chiū lòh-khì kîⁿ i. ¹³Í-lī-sa kâ Í-sek-liát ông kóng, Goá kap lí sím-mih kan-siáp? thang khì chhē lí ê lâu-pē ê sian-ti, kap lí ê lâu-bú ê sian-ti. Í-sek-liát ông kâ i kóng, M-sī án-ni; Iâ-hô-hoa chū-chíp chí saⁿ ê ông, beh kau tī Mô·ap lêng ê chhiú. ¹⁴Í-lī-sa kóng, Goá kí éng-oáh bân-kun ê Iâ-hô-hoa, chiū-sī goá khiā tī I ê bīn-chêng-ê, lăi kóng, Goá nâ m-sī khoàⁿ Iû-tâi ông Iok-sa-hoat ê bīn, chiū m-khoàⁿ lí, m-chhap lí. ¹⁵Taⁿ tiòh kâ goá kiò chit ê gâk-su lăi chia; gâk-su toāⁿ ê sī, Iâ-hô-hoa ê chhiú chiū kau Í-lī-sa. ¹⁶I chiū kóng, Iâ-hô-hoa án-ni kóng, Chit ê soaⁿ-kok lín tiòh piàn-piàn khui kau. ¹⁷In-ūi Iâ-hô-hoa án-ni kóng, Lín beh bô khoàⁿ-kîⁿ hong, bô khoàⁿ-kîⁿ hō·; iáu-kú chit ê soaⁿ-kok, chúi beh moá-moá, hō· lín thang lim; chiū-sī lín, kap lín ê cheng-siⁿ, lín ê siù, lim i. ¹⁸Chăi Iâ-hô-hoa iáu khoàⁿ chit-ê choē sió-khoá; I iā beh ēng Mô·ap lêng kau tī lín ê chhiú. ¹⁹Lín beh kong-phoà ták ê kian-kò· ê siāⁿ, kap ták ê súi ê siāⁿ, chhò ták-châng hó ê chhiū, that-tiâu lóng-chóng ê chúi-choāⁿ, ēng chiòh-thâu phah-pháiⁿ lóng-chóng hó ê chhân.

²⁰Keh chá-khí hiàn-chè ê sī, khoàⁿ ah, ũ chúi tùi Í-tong ê lō· lăi, piàn-toē chiū ũ chúi moá-moá. ²¹Mô·ap cheng-lêng thiaⁿ-kîⁿ chí saⁿ ê ông chiūⁿ-lăi, beh kap in kau-chiàn, chiū chū-chíp kîⁿ-nâ oē kiáh ke-si-ê í-siōng, lóng khiā tī piⁿ-kài. ²²Keh chá-khí in chá-chá khí-lăi, jit chiò tī chúi--nih; Mô·ap lêng khoàⁿ tùi-bīn ê chúi âng chhin-chhiūⁿ huìh; chiū kóng, Che chiū-sī huìh ah, hiah ê ông tek-khak lóng sí; sī saⁿ kong-kek. Mô·ap ah, tiòh lăi khì chhiúⁿ i lah. ²⁴In kau Í-sek-liát lêng ê

iâⁿ, Í-sek-liát lêng chiū khí-lâi kong-kek Mô-ap lêng; hō in cháu tī in ê bīn-chêng; Í-sek-liát lêng jip in kêng-kài, phah-sí Mô-ap lêng, húi in ê siâⁿ; ²⁵ták-lêng hiat chiòh thūn-moá lóng-chóng hó ê toē, that-tiâu lóng-chóng ê chú-choaⁿ, chhò in ták-châng hó ê chhiū; chí-ū chhun Kiat-jíⁿ-hap-liát-siat ê chiòh-chhiūⁿ; hìⁿ-chiòh--ê sî-ūi kong-kek i. ²⁶Mô-ap ông khoàⁿ-kìⁿ kau-chiàn ê sè-bīn tí-ték boē tiâu, chiū toà kiáh-to-ê chhit-pah, beh chhiong-kè tīn kàu Í-tong ông hia; chóng-sī boē-oē. ²⁷Chiū chhiú eng-kai soà-chiap i ê ūi ê toā-kiáⁿ, tī siâⁿ-têng hiàn i choē sio-chè; ū toā thòng-hūn kàu tī Í-sek-liát. In chiū lī-khui i, tò-khì in pún-kok.

4 Ū chit ê hū-jîn-lêng, sī sian-ti ê hák-seng ê bó, kiò Í-lī-sa kóng, Lí ê lô-pók goá ê tiōng-hu í-keng sí, lí ê lô-pók pêng-sò kêng-ù i lâ-hô-hoa, sī lí só· chai ê. Taⁿ chè-chú lâi beh chhiú goá nng ê kiáⁿ choē lô-pók. ²Í-lī-sa mng i kóng, Goá thang kā lí choē sím-mih? lí kā goá kóng; lí chhiú-lâi ū sím-mih? I kóng, Lí ê lú-pī chhiú-lâi chhun chit pân iū, í-goā lóng bô. ³Í-lī-sa kóng, Lí khi ah, tī goā-bīn tui lí hiah ê chhiú-piⁿ chhiòh khi-kū, chiū-sī khang ê khi-kū, m̄-thang chhiòh chió-chiò. ⁴Tiòh jip chhiú, koaiⁿ-mng, lí kap lí ê kiáⁿ tiàm lâi-bīn, thīn-iūⁿ tī só·-ū ê khi-kū; thīn-moá-ê tiòh lēng-goā hē. ⁵Hū-jîn-lêng lī-khui i khi, koaiⁿ mng, i kap i ê kiáⁿ tiàm lâi-bīn; kiáⁿ toà khi-kū lâi hō i, i chiū thīn iū. ⁶Hiah ê khi-kū lóng moá, i kā i ê kiáⁿ kóng, Koh thèh khi-kū lâi hō goá. Kiáⁿ kóng, Bô koh ū khi-kū lah; iū chiū chí. ⁷Hū-jîn-lêng khi kā Siōng-tè ê lô-pók kóng. I kóng, Lí khi boē iū lâi hêng-chè; só· chhun-ê, lí kap lí ê kiáⁿ thang tō-oáh.

⁸Ū chit-jit Í-lī-sa kiáⁿ kàu Su-liām, tī-hia ū chit ê hó-giáh ê hū-jîn-lêng, kiōng-kiōng lâu

i tiàm teh chia; āu-lâi Í-lī-sa ták-pái tui-hia keng-kè, chiū jip-khì chia. ⁹Hū-jîn-lêng tui i ê tiōng-hu kóng, Lí khoàⁿ, hit ê siōng-siōng tui lán chia keng-kè--ê, goá khoàⁿ i sī Siōng-tè sêng ê lô-pók. ¹⁰Kiū lí ún, lán thang tī chhiū-téng khí chit keng soē-keng pâng, tī-hia kā i an-ti bīn-chhiū, toh, í, teng-tâi, hō i lâi lán chia, thang jip-khì hioh. ¹¹Ū chit-jit Í-lī-sa lâi kàu hia, chiū jip-khì hit keng pâng khùn. ¹²Í-lī-sa kā i ê lô-pók Ki-hap-se kóng, Lí kiò chit ê Su-liām ê hū-jîn-lêng lâi. I chiū kiò i lâi; hū-jîn-lêng khiā tī i ê bīn-chêng. ¹³I kā i ê lô-pók kóng, Lí thang kā i kóng, Khoàⁿ ah, lí ūi goán hui choē-choē sim-su, taⁿ tiòh kā lí choē sím-mih? lí ài goá thoē lí kā ông, á-sī kun-tiúⁿ, kóng ah? I in kóng, Goá khiā-khì tī goá ê peh-siⁿ ê tiōng-kan. ¹⁴Í-lī-sa kóng, Án-ni tiòh ūi i cháiⁿ-iūⁿ choē--nih? Ki-hap-se kóng, I bô kiáⁿ, i ê tiōng-hu iā lâu lah. ¹⁵I koh kóng, Kiò i lâi; chiū kiò i lâi. Hū-jîn-lêng chiū khiā tī mng-kháu. ¹⁶I kóng, Mê-ni kàu chit-sí, lí beh phō chit ê kiáⁿ. I kóng, Bô--lah. Siōng-tè ê lô-pók, goá ê chú ah, m̄-thang phiàn lí ê lú-pī.

¹⁷Hū-jîn-lêng kó-jian hoai-in, kàu mê-ni hit-si siⁿ chit ê kiáⁿ, chiàu Í-lī-sa só· kóng--ê. ¹⁸Gín-ná toā-hàn; ū chit-jit chhut-khì kàu i ê lâu-pē, kàu siu-koah ê lêng hia. ¹⁹I kā lâu-pē kóng, Goá ê thâu-khak ah, goá ê thâu-khak ah; i ê lâu-pē kā lô-pók kóng, Phō i kàu i ê lâu-bú hia. ²⁰I phō i kàu i ê lâu-bú hia; gín-ná chē tī lâu-bú ê kha-thâu-u, kàu tiōng-tàu chiū sí. ²¹Lâu-bú chiūⁿ-khì lâu-téng, chiong i ê kiáⁿ hē tī Siōng-tè ê lô-pók ê bīn-chhiū, koaiⁿ-mng chhut-lâi; ²²kiò i ê tiōng-hu kóng, Chhiáⁿ chhe chit ê lô-pók khan chit chia lú lâi goá chia; goá beh pháu--khì Siōng-tè ê lô-pók hia, chia tò-lâi. ²³Tiōng-hu kóng, Kín-á-

jít m̄-sī gēh ē chhoe-it, iā m̄-sī an-hioh, lí siáⁿ-sū beh khi i hia? Hū-jîn-lâng kóng, Pêng-an. ²⁴Chiū pī-pān lū, kā lô·pók kóng, Lí koáⁿ-lū chìn-chêng khi; goá nā bô kā lí kóng, chiū m̄-thang khah-bān. ²⁵Hū-jîn-lâng chiū khi Ka-bit soaⁿ, khi Siōng-tè ē lô·pók hia. Siōng-tè ē lô·pók hng-hng khoàⁿ-kìⁿ i, kā i ē lô·pók Ki-hap-se kóng. Khoàⁿ ah, Su-liām ē hū-jîn-lâng lâi ah; ²⁶Lí cháu--khi ngiā-chih i, mng i kóng, Lí pêng-an mah? lí ē tiōng-hu pêng-an mah? gín-ná pêng-an mah? I kóng, Pêng-an. ²⁷Hū-jîn-lâng kàu hit ē soaⁿ, kàu Siōng-tè ē lô·pók hia, chiū phō i ē kha. Ki-hap-se chìn-chêng beh kā i chia-khui; Siōng-tè ē lô·pók kóng, Kù-chāi i, in-ūi i sim-lāi thòng-khó; Iâ-hô-hoa tui goá ún-khng, bô kā goá kóng. ²⁸Hū-jîn-lâng kóng, Goá kiám bat tui goá ē chú kiū kiáⁿ mah? goá kiám bô kóng, M̄-thang phiàn goá mah? ²⁹I kā Ki-hap-se kóng, Lí hā-io, chhiú kiáh goá ē koáiⁿ, chìn-chêng khi; nā tú-tiòh lâng, bóh-tit kā in chhéng-an, lâng nā chhéng-an lí, iā bóh-tit in i; tiòh ēng goá ē koáiⁿ-á hē tī gín-ná ē bīn. ³⁰Gín-ná ē lâu-bú kóng, Goá kí éng-oáh ē Iâ-hô-hoa kap lí ē oáh-miā lâi kóng, goá tek-khak m̄ lī-khui lí. Í-lī-sa chiū khi-lâi, tè i khi. ³¹Ki-hap-se thâu-chêng khi, ēng koáiⁿ-á hē tī gín-ná ē bīn; chóng-sī bô siaⁿ-seh, iā m̄-chai lâng. Ki-hap-se tò-túg tú-tiòh i, kā i kóng, Gín-ná bô chíⁿ. ³²Í-lī-sa kàu-tè, jip chhù, khoàⁿ-kìⁿ gín-ná í-keng sí, hē tī i ē bīn-chhng. ³³I jip-khi, chiū koaiⁿ-mng, chí-ū in nng-ê tī lâi-bīn; i chiū kí-tó Iâ-hô-hoa. ³⁴Chiūⁿ-khi phak tī gín-ná ē seng-khu, chhùi tui chhùi, bák-chiu tui bák-chiu, chhiú tui chhiú, kui-sin àⁿ tī gín-ná ē seng-khu; gín-ná ē bah chiū chiām-chiām sio-lō. ³⁵I lóh-lâi, tī chhù-lâi kiáⁿ-lâi kiáⁿ-khi chit-pái, koh chiūⁿ-khi, kui-sin àⁿ tī gín-ná; gín-ná

phah-ka-chhiuⁿ chhit-pái, bák-chiu chiū thí-khui. ³⁶Í-lī-sa kiò Ki-hap-se kóng, Lí kiò chit ē Su-liām ē hū-jîn-lâng lâi. I chiū kiò i; i jip-lâi i hia, Í-lī-sa kóng, Phō lí ē gín-ná khi-lâi. ³⁷Hū-jîn-lâng chiū jip-lâi, àⁿ tī i ē kha-chêng, phak tī toē--nih, phō i ē kiáⁿ chhut-khi.

³⁸Í-lī-sa koh lâi kàu Kiat-kah; hit-sī kok-lâi ki-hng, sian-ti ē hák-seng chē tī i ē bīn-chêng; i hoan-hù lô·pók kóng, Lí chiong toā-tiáⁿ hē tī hé--nih, kā sian-ti ē hák-seng chú chhài-thng. ³⁹Ū chit-lâng khi chhân--nih bán chhài, tú-tiòh chit châng iá-tín, chiū bán i ē koe moá-phè tò-lâi; chhiat i, lok tī chú chhài-thng ē tiáⁿ; in-ūi in m̄ bat sī sím-mih mih. ⁴⁰Piàⁿ-chhut-lâi hō· in chiáh; chiáh chhài-thng ē sí, in lóng kiò kóng, Siōng-tè ē lô·pók ah, tiáⁿ-lâi ū sí ē tòk; in lóng boē-chiáh-tit. ⁴¹Í-lī-sa kóng, Thêh tām-pòh m̄-hún lâi; chiū chiong m̄-hún sám tī tiáⁿ--nih, kóng, Piàⁿ--chhut-lâi hō· in chiáh; tiáⁿ-lâi chiū bô hāi.

⁴²Ū chit-lâng tui Pa-lék-sa-lī-sa lâi, toā khi-thâu sék ē béh só· choē ē piáⁿ, kap toā béh piáⁿ jī-cháp-ê, kap sin ē sūi, toé tī tē-nih, sàng hō· Siōng-tè ē lô·pók. I chiū kóng, Chiong chia-ê hō· peh-siⁿ chiáh. ⁴³I ē chhe-ēng kóng, Cháiⁿ-iūⁿ, goá kiám thang pài chia-ê tī chit-pah lâng ē bīn-chêng mah? I kóng, Choē lí hō· peh-siⁿ chiáh, in-ūi Iâ-hô-hoa án-ni kóng, In beh chiáh i, iáu ū chhun. ⁴⁴I chiū pài tī in ē bīn-chêng, in chiáh i, iā ū chhun, chiàu Iâ-hô-hoa só· kóng.

5 A-lân ông ē kun-tiúⁿ Nái-bān, tī i ē chú-lâng ē bīn-chêng choē-toā, choē chun-kui, in-ūi Iâ-hô-hoa bat ēng i hō· A-lân tek-sèng, i iā sī toā koân-lêng ē íong-sū; chóng-sī thái-ko. ²Chêng A-lân lâng kui-tin chhut-khi, tui Í-sek-liát toē liáh chit ē cha-bó·gín-ná; i chiū su-hāu Nái-bān ē bó·. ³I kā i ē chú-bú kóng,

Khó· boē tit-tiòh goá ê chú kap Sat-má-lī-a ê sian-ti saⁿ-kap tī-teh, i tek-khak oē i-hó i ê thái-ko. ⁴Ū lāng jíp-khì kā i ê chú kóng, Siók Í-sek-liát toē ê cha-bó·-gín-ná án-ni án-ni kóng. ⁵A-lân ông kóng, Lí khì ah, goá iā beh kià chít tiuⁿ phoe hō· Í-sek-liát ông. Nái-bān chiū khì, toà gûn chấp tha-liân-tek, kim lāk chheng, i-chiūⁿ chấp-thò; ⁶toà phoe kàu Í-sek-liát ông hia. phoe-lai kóng, Phoe kàu lí hia ê sī, khoàⁿ ah, goá chhe jîn-sîn Nái-bān khì kīⁿ lí, lí tiòh i-hó i ê thái-ko. ⁷Í-sek-liát ông khoàⁿ phoe liáu, chiū thiah līh i ê saⁿ, kóng, Goá kiám sī Siōng-tè, hō· lāng sí, hō· lāng oáh mah? chit-lāng keng-jian chhe lāng lai goá chia, kah goá i-hó i ê thái-ko; chhiáⁿ lín chim-chiok siūⁿ, khoàⁿ chit-lāng cháiⁿ-iūⁿ chhē-phāng kong-kek goá. ⁸Siōng-tè ê lô·pók Í-lī-sa thiaⁿ-kīⁿ Í-sek-liát ông thiah-līh i ê saⁿ, chiū chhe lāng khì kīⁿ ông kóng, Lí siáⁿ-sū thiah-līh saⁿ ah? Thang hō· hit-lāng kàu goá chia, i chia chái Í-sek-liát tiong ū sian-ti. ⁹Nái-bān chiū kap i ê bé, i ê chhia lai, khiā tī Í-lī-sa ê chhù m̄ng-kháu. ¹⁰Í-lī-sa chhe chít ê sù-chiá, kā Nái-bān kóng, Lí khì Iok-tàn hô soé sin-khu chhit-pái, lí ê bah chiū hók-goân, lí beh tit-tiòh chheng-khì. ¹¹Nái-bān chiū siū-khì, thè-khì, kóng, Goá pún phah-sùg i tek-khak beh chhut-lai kīⁿ goá, khiā--teh kiū-kiò Iâ-hô-hoa i ê Siōng-tè ê miá, iô-chhiú tī hoan-tiòh ê só·-chāi, lai i-hó thái-ko-ê. ¹²Tāi-má-sek ê hô, A-pa-ná kap Hoat-jīⁿ-hoat, kiám bô pí Í-sek-liát it-chhè ê chú khah-hó mah? goá tī-hia soé seng-khu boē tit-tiòh chheng-khì mah? chiū oát-túg-sin siū-khì, choè i khì. ¹³I ê lô·pók chìn-chêng, kā i kóng, Goá ê pē ah, sian-ti nā kah lí khì choè chít-kiāⁿ toā-sū, lí kiám bô beh choè mah? hô-hòng i kan-ta kā lí kóng, Soé chiū chheng-khì ah? ¹⁴Nái-

bān chiū lóh-khì, chiàu Siōng-tè lô·pók ê oē, tī Iok-tàn hô soé chhit-pái; i ê bah hók-goân, chhin-chhiūⁿ gín-ná bah, i chiū chheng-khì. ¹⁵I kap it-chhè tè i ê lāng tò-túg-lai Siōng-tè ê lô·pók hia, khiā tī i ê bīn-chêng kóng, Khoàⁿ ah, goá taⁿ chái, tū Í-sek-liát í-goā, phó· thiⁿ-ē bô ū Siōng-tè; taⁿ kiū lí siu lí ê lô·pók ê lé-mih. ¹⁶I kóng, Goá kí éng-oáh ê Iâ-hô-hoa, chiū-sī goá khiā tī I ê bīn-chêng ê, lai chiū-choā, goá tek-khak m̄-siu. I không-pek i siu, i koat-toàn m̄. ¹⁷Nái-bān kóng, Nā m̄, kiū lí chiong n̄ng chia hô só· oē chái ê thô· hō· lí ê lô·pók; in-ūi tui taⁿ í-āu, lí ê lô·pók bô koh ēng sio-chè á-sī pát-hō ê chē hō· pát ê siōng-tè; chí-ū hiàn hō· Iâ-hô-hoa. ¹⁸Tók-tók ū chit-hāng sū, goān Iâ-hô-hoa sià-bián lí ê lô·pók, chiū-sī goá ê chú jíp Līm-būn ê biō, tī-hia keng-pai, oà--tiòh goá ê chhiú ê sī, koh goá tī Līm-būn ê biō àⁿ-io; chiū-sī goá tī Līm-būn ê biō àⁿ-io ê sī, goān Iâ-hô-hoa tī chí chit kiāⁿ sū sià-bián lí ê lô·pók. ¹⁹I chiū kā i kóng, Lí thang pēng-an khì. I chiū lī-khui i khì, kiāⁿ chít chām-á.

²⁰Siōng-tè ê lô·pók Í-lī-sa ê chhe-ēng Ki-hap-se, sim-lai kóng, Goá ê chú-lāng thé-thiap chit ê A-lān lāng Nái-bān, bô beh tui i ê chhiú siu i só· toà--lai-ê; goá kí éng-oáh ê Iâ-hô-hoa lai kóng, goá beh cháu-khì jip i, tui i thèh tām-pòh. ²¹Ki-hap-se chiū khì jip Nái-bān ê āu-bīn. Nái-bān khoàⁿ-kīⁿ ū lāng cháu lai jip-i, chiū lóh-chhia ngiā-chih i, kóng, Lóng pēng-an mah? ²²Kóng, Lóng pēng-an; goá ê chú chhe goá lai kóng, Tú-chiah ū n̄ng ê siāu-liân lāng, sī sian-ti ê hāk-seng, tui Í-hoat-liân soaⁿ-toē lai kīⁿ goá; chhiáⁿ lí ēng gûn chít tha-liân-tek, i-chiūⁿ n̄ng thò, hō· i. ²³Nái-bān kóng, M̄-thang the, chhiáⁿ siu n̄ng tha-liân-tek; không-pek i, chiū chiong n̄ng tha-liân-tek

gûn chng tī nng ê pò·-tē, kap nng thò i-chiūⁿ, kau i nng ê lô·-pók; nng ê lô·-pók pē i, kiāⁿ tī i ê thâu-chêng. ²⁴Kàu soaⁿ--nih ê sī, Ki-hap-se tui in ê chhiú chih--lâi, hē tī chhù--lâi; chhe in khi, in chiū khi. ²⁵I chiū jlp-khi khiā tī i ê chú-lâng ê bīn-chêng. Í-lī-sa mng i kóng, Ki-hap-se, lí tui toh-lòh lâi? I in i kóng, Lí ê lô·-pók bô khi toh-lòh. ²⁶Í-lī-sa kā i kóng, Hit-lâng lòh-chhia tò-tng--lâi ngiā-chih lí ê sī, goá ê sim kiám bô kap lí khi mah? Che kiám sī siū gûn, siū i-chiūⁿ, kaⁿ-ná-hng, phû-tô-hng, gû, iūⁿ, lô·-pók, lú-pī ê sī mah? ²⁷Tui án-ni Nái-bān ê thái-ko beh thoân hō· lí, kap lí ê hō·-è, tit-kàu éng-oán. Ki-hap-se tui Í-lī-sa ê bīn-chêng thê--chhut-khi, chiū khí thái-ko, pēh chhin-chhiūⁿ seh.

6 Sian-ti ê hák-seng kā Í-lī-sa kóng, Khoàⁿ ah, goán kap lí só· toà ê só·-chāi siuⁿ oeh. ²Kiū lí chún goán khi Iok-tàn, ták-lâng tui-hia chhú chit ki chhâ-liâu, hō· goán tī-hia khí chit só·-chāi thang khiā. I kóng, Lín thang khi ah. ³Ū chit-ê kóng, Bôh-tit the, kiū lí kap lô·-pók khi. Īn kóng, Goá beh khi. Tui án-ni chiū kap in khi. ⁴In kàu Iok-tàn, chiū chhò-chhiū. ⁵Ū chit-lâng chhò-chhiū ê sī, pò·-thâu-bah ka-lauh tī chúí--nih. I chiū kiò kóng, Chhám--ah! Goá ê chú ah, chit ki pò·-thâu sī chioh--ê. ⁶Siōng-tè ê lô·-pók kóng, Ka-lauh tī toh-lòh? I chiū pò i khoàⁿ hit só·-chāi. I chiū chhò chit ki chhâ, hiat tī-hia; pò·-thâu-bah chiū phû--khí-lâi. ⁷I kóng, Kiáh--khí-lâi; hit-lâng chiū chhun-chhiú kiáh--khí-lâi.

⁸A-lân ông kap Í-sek-liát kau-chiàn, kap i ê jîn-sîn gī-lun kóng, Goá tiòh chat-iāⁿ tī bó· só·-chāi, bó· só·-chāi. ⁹Siōng-tè ê lô·-pók chhe lêng khi kīⁿ Í-sek-liát ông, kóng, Lí tiòh kín-sīn, m̄-thang tui bó· só·-chāi keng-kè, in-ūi A-lân lêng lòh-lâi tī-hia. ¹⁰Í-sek-liát ông chhe

lêng kàu Siōng-tè ê lô·-pók só· kóng tiòh tī-hông ê só·-chāi. Tui án-ni bô siū-hāi, m̄-nā chit-pái, nng-pái. ¹¹A-lân ông in-ūi chit ê sū sim-lâi chin peh-pak, tiâu i ê jîn-sîn lâi, kā in kóng, Lán tiong-kan chī-chui ūi Í-sek-liát ông, lín bô lâi kā goá kóng mah? ¹²Ū chit ê jîn-sîn kóng, Goá ê chú, goá ê ông ah, m̄-sī án-ni; chiū-sī Í-sek-liát tiong ê sian-ti Í-lī-sa chiong lí tī khùn-pâng só· kóng ê oē, kā Í-sek-liát ông kóng. ¹³Ông kóng, Lín khi thàm-khoàⁿ i tī toh-lòh, goá thang chhe lêng khi liáh i. Ū lêng kā ông kóng, Khoàⁿ ah, i tī To-tan. ¹⁴Ông chiū chhe bé, chhia, kap toā-tui peng khi hia. In thau-mī kàu, ūi-khùn hit ê siāⁿ. ¹⁵Siōng-tè ê lô·-pók ê chhe-ēng chheng-chá khí-lâi chhut khi, khoàⁿ-kīⁿ ū kun-peng, bé kap chhia, ūi-khùn siāⁿ. Chhe-ēng kā i kóng, Chhám--ah! goá ê chú ah, lán beh cháiⁿ-iūⁿ? ¹⁶Siōng-tè ê lô·-pók kóng, M̄-bián kiaⁿ; in-ūi kap lán tī-teh-ê, pí kap in tī-teh-ê, koh khah choē. ¹⁷Í-lī-sa kī-tó kóng, Iâ-hô-hoa ah, kiū Lí khui i ê bák-chiu, hō· i oē khoàⁿ-kīⁿ. Iâ-hô-hoa chiū khui siâu-liân lêng ê bák-chiu, i chiū khoàⁿ-kīⁿ; khoàⁿ ah, piàn-soaⁿ hé-bé hé-chhia ūi Í-lī-sa. ¹⁸In lòh-khi kàu i hia, Í-lī-sa kī-tó kóng, Iâ-hô-hoa ah, kiū Lí phah chiaⁿ ê peh-siⁿ, hō· in chhiⁿ-mī. I chiū phah hō· in chhiⁿ-mī, chiàu Í-lī-sa ê oē. ¹⁹Í-lī-sa kā in kóng, Chit-ê m̄-sī hit ê lô·, chit-ê iā m̄-sī hit ê siāⁿ; lín tē goá, goá beh chhoā lín kàu lín só· chhē ê lêng hia. Chiū chhoā in kàu Sat-má-lī-a. ²⁰In jlp Sat-má-li-a, Í-lī-sa kóng, Iâ-hô-hoa ah, kiū Lí khui chiaⁿ ê lêng ê bák-chiu, hō· in khoàⁿ-kīⁿ. Iâ-hô-hoa khui in ê bák-chiu, in chiū khoàⁿ-kīⁿ; bô phah-sng, sī tī Sat-má-lī-a ê siāⁿ-lâi. ²¹Í-sek-liát ông khoàⁿ-kīⁿ in, chiū mng Í-lī-sa kóng, Goá ê pē ah, goá tiòh phah i mah? tiòh phah i mah? ²²Īn kóng, M̄-thang

phah in; lí ēng to ēng keng só· liáh--lâi-ê, kiám thang phah i mah? tiòh hē piáⁿ kap chúit tī in ê bīn-chēng, hō· in lim-chiáh, tò-khì in ê chú-lâng hia. ²³Ông thoè in pī-pān choē-choē chiáh-mih; in lim-chiáh bēng-pék, chiū kah in khì; chiū tò-khì in ê chú-lâng hia. Tùi án-ni A-lân ê kun-peng bô koh chhim-hoān Í-sek-liát ê keng-kài.

²⁴Āu-lâi A-lân ông Piān-hap-tát chū-chip i ê choān-kun, chiūⁿ-lâi ūi-khùn Sat-má-lī-a. ²⁵Sat-má-lī-a toā ki-hng; in ūi-khùn siáⁿ, tì-kàu chit ê lū-thâu tát gún poeh-cháp sià-khek-lék, kap-pùn chit-khap ê sī-hūn-chit tát gún gō· sià-khek-lék. ²⁶Í-sek-liát ông tùi siáⁿ-chhiūⁿ keng-kè ê sī, ū chit ê hū-jîn-lâng tùi i kiū-kiò, kóng, Goá ê chú, goá ê ông ah, pang-chān goá. ²⁷Ông kóng, Iâ-hô-hoa bô pang-chān lí, goá beh tùi toh-lóh pang-chān lí? sī tùi gō·kak-tiūⁿ, á-sī tùi chiú-khut ah? ²⁸Ông koh kóng, Lí ū sīm-mih kan-khó·? I in kóng, Chit ê hū-jîn-lâng tùi goá kóng, Kau-chhut lí ê kiáⁿ, lán kin-á-jit thang chiáh i, bīn-á-jit lán chiáh goá ê kiáⁿ; goán chiū chú goá ê kiáⁿ chiáh i; keh-jit goá tùi i kóng, Kau-chhut lí ê kiáⁿ, lán thang chiáh i, chóng-sī i khng-bát i ê kiáⁿ. ³⁰Ông thiaⁿ-kìⁿ hū-jîn-lâng ê oē, chiū thiah-līh saⁿ, tī siáⁿ-chhiūⁿ-téng keng-kè; peh-siⁿ khoàⁿ-kìⁿ i, khoàⁿ-kìⁿ i sin-toé-saⁿ sī chho·moā-pò·. ³¹Ông kóng, Sa-hoat ê kiáⁿ Í-lī-sa ê thâu-khak kin-á-jit nā iū-goān liān tī i ê sin-khu, goān Siōng-tè ka-pē chek-hoat goá. ³²Hit-sī Í-lī-sa chē tī chhù-lāi, tióng-ló iā kap i teh chē; ông chhe chit-lâng choè-thâu khì; sù-chiá iáu-bē kàu i hia, Í-lī-sa kā tiūⁿ-ló kóng, Lín khoàⁿ chit ê hiong-siú ê kiáⁿ, cháiⁿ-iūⁿ chhe lāng chhú goá ê thâu-khak; lín khoàⁿ, sù-chiá nā lâi, chiū tiòh koaiⁿ-mng, chó·chí i tī mng-goā; tī i ê āu-bīn kiám bô

ū i ê chú-lâng ê kha-pō· siaⁿ? ³³I iáu kap in kóng-oē ê sī, khoàⁿ ah, sù-chiá lóh-khì i hia; kóng, Khoàⁿ ah, chit ê chai-ē tùi Iâ-hô-hoa, goá siáⁿ-sū tiòh koh thēng-hāu Iâ-hô-hoa ah?

7 Í-lī-sa kóng, Lín tiòh thiaⁿ Iâ-hô-hoa ê oē; Iâ-hô-hoa án-ni kóng, Bīn-á-jit iok-liòk kàu chit-sī, tī Sat-má-lī-a ê siáⁿ-mng-kháu, chit sè-a ê iū-mī-hún tát gún chit sià-khek-lék, nng sè-a toā-bēh tát gún chit sià-khek-lék. ²Ū chit ê kun-tiūⁿ, sī ông oà i ê chhiú--ê, in Siōng-tè ê lô-pók kóng, Siat-sú Iâ-hô-hoa tùi thiⁿ khui thang-á, kiám oē án-ni mah? Í-lī-sa kóng, Lí beh chhin-bák khoàⁿ, chóng-sī chiáh-boē-tiòh.

³Tī siáⁿ-mng hia ū sī ê thái-ko-ê, in saⁿ-kap kóng, Lán siáⁿ-sū chē tī chia thēng-hāu sí ah?

⁴Lán nā kóng, Jip siáⁿ khì, siáⁿ-lāi ū ki-hng, lán beh sí tī-hia; nā tiāⁿ-tiāⁿ chē tī chia, iā sī tiòh sí. Lâi lah, lán khì tau-hāng A-lân ê kun-tūi; in nā lâu lán ê oah-miā, lán chiū oē oah; nā thái-sí lán, kun-tu iā sī sí. ⁵Hông-hun ê sī, in khí-lâi, beh khì A-lân lāng ê iāⁿ; í-keng kàu A-lân lāng ê iāⁿ ê piⁿ-kak, khoàⁿ ah, bô chit-lāng tī-hia. ⁶In-tūi Chú hō· A-lân ê kun-tūi thiaⁿ-kìⁿ chhia ê siaⁿ, bé ê siaⁿ, chiū-sī toā kun-tūi ê siaⁿ. In chiū saⁿ-kap kóng, Khoàⁿ ah, che sī Í-sek-liát ông boé-hó Hek-lāng chiaⁿ ê ông, kap Ai-kíp lāng chiaⁿ ê ông, lâi kong-kek lán. ⁷Só·-í tī hông-hun ê sī in khí-lâi tô-cháu, pàng-sak in ê pò·-pīⁿ, in ê bé, in ê lū, iāⁿ-poāⁿ chiāu-kū, cháu-khì pó sīⁿ-miā. ⁸Hiah ê thái-ko-ê kàu iāⁿ ê piⁿ-kak, jip chit ê pò·-pīⁿ, iā chiaⁿ iā lim; tùi hia thēh kim gún kap i-chiūⁿ khì siu-khng; koh lâi, koh jip chit ê pò·-pīⁿ, tùi hia thēh-chhut chái-bút khì siu-khng.

⁹Hit-sī in saⁿ-kap kóng, Lán só·-choè-ê m̄-hó; kin-á-jit sī ū hó siau-sit ê jit iā lán chēng-

chēng; nā thēng-hāu kàu thiⁿ kng, lán tiòh siū-choē; lāi ah, lán tiòh khi pò ông-ke chai.
¹⁰In chiū khi kiò kó· siāⁿ-m̄ng ê, kā in kóng, Goán kàu A-lân lāng ê iāⁿ, khoàⁿ-kìⁿ bô chit-lāng tī-hia, iā bô lāng ê siaⁿ-seh; chí-ū bé pāk-teh, lū pāk-teh, pò·pīⁿ lóng chiàu-kū.
¹¹I chiū khi kiò hiah ê kò·m̄ng--ê; in chiū khi pò ông-ke chāi.
¹²Ông thàu-mī khí-lāi, kā i ê jîn-sîn kóng, A-lân lāng tui-tī lán só· choē ê, goá kā lín kóng. In chai lán iau-gō, só·í chhut iāⁿ-poāⁿ, bāi-hók tī chhân-iá, kóng, In chhut-siāⁿ ê sī, lán chiū oáh-oáh liáh in, lāi tit-tiòh jip in ê siāⁿ.
¹³I ê jîn-sîn ū chit-ê in ông kóng, Iáu chhun ê bé, chiū-sī iáu lâu tī siāⁿ-lāi ê, kiū lí chhe lāng khan gō· chiah lāi, (khoàⁿ ah, bé chhin-chhiūⁿ Í-sek-liát chēng-lāng só· lâu tī siāⁿ-lāi ê; khoàⁿ ah, bé chhin-chhiūⁿ Í-sek-liát chēng-lāng siū-biát-ê;) lán thang chhe lāng khi khoàⁿ i.
¹⁴Chiū chhú n̄ng tiuⁿ chhia, kap bé, ông chhe lāng khi jip A-lân ê kun-peng, kóng, Lín khi khoàⁿ-bāi--leh.
¹⁵In chiū tui-jip in kàu Iok-tàn, khoàⁿ-kìⁿ moá-lō· lóng sī A-lân lāng kín cháu ê sī só· hiat-kák ê i-hók khi-kū; sù-chiá chiū tò-lāi hē-hok ông.

¹⁶Peh-sìⁿ chiū chhut-khi chhiúⁿ A-lân lāng ê iāⁿ-poāⁿ; tui án-ni chit sè-a ê iū-mī-hún tát gūn chit sià-khek-lék; n̄ng sè-a toā-bēh iā tát gūn chit sià-khek-lék; chiàu Iā-hô-hoa só· kóng ê.
¹⁷Ông phải i só· oà-chhiú hit ê kun-tiúⁿ koán-lí siāⁿ-m̄ng; peh-sìⁿ tī siāⁿ-m̄ng thún-táh i, i chiū sí, chiàu Siōng-tè ê lô·pók só· kóng ê, chiū-sī ông lóh-lāi kìⁿ i ê sī só· kóng ê.
¹⁸Koh Siōng-tè ê lô·pók só· tui ông kóng ê, Bìn-á-jit iok-liók kàu chit-sī, tī Sat-má-lī-a ê siāⁿ-m̄ng-kháu, n̄ng sè-a toā-bēh tát gūn chit sià-khek-lék, chit sè-a ê iū-mī-hún tát gūn chit sià-khek-lék;
¹⁹koh hit ê kun-tiúⁿ tui Siōng-tè ê lô·pók kóng, Siat-

sú Iā-hô-hoa tui thiⁿ khui thang-á, kiám oē án-ni mah? Siōng-tè ê lô·pók kóng, Lí beh chhin-bák khoàⁿ-kìⁿ, chóng-sī chiáh-boē-tiòh;
²⁰chit ê oē kó-jiân èng-giām tī i ê sin-chiūⁿ; in-ūi peh-sìⁿ tī siāⁿ-m̄ng-kháu thún-táh i, i chiū sí.

8 Ū chit ê hū-jîn-lāng, Í-lī-sa bat hō· i ê kiáⁿ koh-oáh ê, iā bat kā i kóng, Khí-lāi, lí kap lí ê choân-ke khi toà lí só· thang toà ê só·chāi; in-ūi Iā-hô-hoa bēng-lēng ki-hng līm-kàu, beh tī chit ê só·chāi chhit-nī kú.
²Hū-jîn-lāng chiū khí-lāi, chiàu Siōng-tè ê lô·pók ê oē khi kiāⁿ; i kap i ê ke khi Hui-lī-sū lāng ê toē, toà chhit-nī kú.
³Chhit-nī moá, hit ê hū-jîn-lāng tui Hui-lī-sū toē tò-lāi; chiū chhut-khi, beh ūi ka-kī ê chhù-thēh chhân-h̄ng kiū-kiò ông.
⁴Hit-sī ông kap Siōng-tè ê lô·pók ê chhe-ēng Ki-hap-se kóng-oē, kóng, Chhiáⁿ lí chiong Í-lī-sa só· kiāⁿ it-chhè ê toā-sū kā goá kóng.
⁵Ki-hap-se teh kā ông kóng Í-lī-sa cháiⁿ-iūⁿ hō· sí ê lāng koh-oáh; chhau-khám hit ê hū-jîn-lāng, chiū-sī i hō· i ê kiáⁿ koh-oáh-ê, ūi-tiòh i ê chhù-thēh chhân-h̄ng lāi kiū-kiò ông. Ki-hap-se kóng, Goá ê chú goá ê ông, chit-ê sī hit ê hū-jîn-lāng, chit-ê sī i ê kiáⁿ, chiū-sī Í-lī-sa hō· i koh-oáh ê.
⁶Ông m̄ng hit ê hū-jîn-lāng, i chiū kā i kóng; ông chiū ūi-tiòh i phải chit ê koaⁿ-oân kóng, Kìⁿ-nā siók chit ê hū-jîn-lāng ê, lóng tiòh hēng i; tui i lī-khui pún só·chāi kàu kin-á-jit, i ê chhân-h̄ng só· chhut-sán ê, iā lóng tiòh hēng i.

⁷Í-lī-sa lāi kàu Tāi-má-saek; A-lân ông Piān-hap-tát teh phoà-pīⁿ; ū lāng kā ông kóng, Siōng-tè ê lô·pók lāi kàu chia.
⁸Ông chiū kā Hap-siat kóng, Lí toà lé-mih khi kìⁿ Siōng-tè ê lô·pók, pài-thok i m̄ng Iā-hô-hoa khoàⁿ goá chit ê pīⁿ oē oáh á-boē?
⁹Hap-siat chiū khi kìⁿ i, ēng sì-cháp chiah lók-tô chài

Tāi-má-sek ták-hō ê hó-mih choè lé-mih, khi khiā tī i ê bīn-chêng, kóng, Lí ê kiáⁿ A-lân ông Piān-hap-tát chhe goá lâi lí chia, kóng, Goá chit ê pīⁿ oē oah á-boē? ¹⁰Í-lī-sa ká i kóng, Lí khi hē-hok i, kóng, Lí tek-khak oē oah; chóng-sī Iâ-hô-hoa chí-sī goá, i tek-khak beh sí. ¹¹Í-lī-sa chù-bák khoàⁿ i, tì-kàu i kiàn-siàu; Siōng-tè ê lô·pók chiū lâu bák-sài. ¹²Hap-siat kóng, Goá ê chú siáⁿ-sū lâu bák-sài? In kóng, In-ūi goá chai lí só· beh khó·-chhó· Í-sek-liát lâng ê; ēng hé sio in hiám-iàu ê só·chāi, ēng to thāi-sí in ê chòng-teng, siak-sí in ê eⁿ-á, phoà-khui in ū sin-in ê hū-jîn-lâng. ¹³Hap-siat kóng, Lí ê lô·pók sī sím-mih, put-kò sī chit chiah káu, thái-thó oē kiáⁿ chit ê toā-sū ah? Í-lī-sa in kóng, Iâ-hô-hoa chí-sī goá, lí beh choè A-lân ông. ¹⁴I lī-khui Í-lī-sa, tò-khi i ê chú-lâng hia; chú-lâng m̄ng i kóng, Í-lī-sa ká lí kóng sím-mih? In kóng, I ká goá kóng, lí tek-khak oē oah. ¹⁵Keh-jit i thēh kàu ê pò· ùn chúi, khàm ông ê bīn, ông chiū sí. Hap-siat chiū thoè i choè ông.

¹⁶Í-sek-liát ông A-hap ê kiáⁿ Iok-lâm tē-gō· nī, Iok-sa-hoat choè Iû-tāi ông ê sí, Iû-tāi ông Iok-sa-hoat ê kiáⁿ Iâ-hô-lâm khí-thâu chē-ūi. ¹⁷Iâ-hô-lâm chē-ūi ê sí, saⁿ-cháp-jī hē, tī Iâ-lō·sat-léng choè-ông lèk-kè poeh-nī. ¹⁸I kiáⁿ Í-sek-liát ông ê lô·, kap A-hap ê ke bô koh-iūⁿ; in-ūi i chhoā A-hap ê cha-bó·-kiáⁿ choè-bó·, kiáⁿ Iâ-hô-hoa só· khoàⁿ-choè pháiⁿ ê sū. ¹⁹Chóng-sī Iâ-hô-hoa, in-ūi I ê lô·pók Tāi-pit ê iân-kò·, m̄-kam biát Iû-tāi, chiàu I só· èng-ún Tāi-pit ê oē, éng-oán siúⁿ-sù chit pha teng hō· i ê kiáⁿ-sun. ²⁰Tng Iok-lâm ê nī-kan, Í-tong poē-poān Iû-tāi, thoat-lī i ê chhiú-thâu, ka-kī siat-lip ông. ²¹Iok-lâm toà só· ū ê chiàn-chhia, kè-khi Sat-ek, thàu-mī khí-lâi, phah-úi-khùn i ê Í-tong lâng kap hiah ê chhia-tiúⁿ;

peh-siⁿ chiū tô-cháu, ták-ê tò-khi i ê pò·-pīⁿ. ²²Án-ni, Í-tong lâng poē-poān Iû-tāi, thoat-lī i ê chhiú-thâu, kàu kin-á-jit. Siang hit-sī, Lip-ná lâng iā poē-poān. ²³Iok-lâm kī-ū ê sū, kīⁿ i só· kiáⁿ ê, kiám bô lóng kī tī Iû-tāi liát-ông ê kī-liók mah? ²⁴Iok-lâm kap i ê liát-chó· tâng-khùn, tī Tāi-pit siáⁿ kap i ê chó· tâng bāi-chòng. I ê kiáⁿ A-hap-siā soà-chiap i choè-ông.

²⁵Í-sek-liát ông A-hap ê kiáⁿ Iok-lâm chấp-jī nī, Iû-tāi ông Iâ-hô-lâm ê kiáⁿ A-hap-siā khí-thâu chē-ūi. ²⁶A-hap-siā chē-ūi ê sí, jī-cháp-jī hē, tī Iâ-lō·sat-léng choè ông chit-nī; i ê lâu-bú miā kiò A-tha-lī-ngá, sī Í-sek-liát ông Àm-lī ê cha-bó·-sun. ²⁷I kiáⁿ A-hap ê ke ê lô·, kiáⁿ Iâ-hô-hoa só· khoàⁿ-choè pháiⁿ ê sū, kap A-hap ê ke bô koh-iūⁿ. In-ūi i sī A-hap ê ke ê kiáⁿ-sài. ²⁸I kap A-hap ê kiáⁿ Iok-lâm saⁿ-kap khi Ki-liát ê Láh-boát, kap A-lân ông Hap-siat kau-chiàn; A-lân lâng phah-siong Iok-lâm. ²⁹Iok-lâm ông tò-khi Iâ-su-liát, beh i-tī i ê siong, chiū-sī i tī Láh-boát kap A-lân ông Hap-siat kau-chiàn ê sí, A-lân lâng phah--tiòh i--ê. Iû-tāi ông Iâ-hô-lâm ê kiáⁿ A-hap-siā lóh-khi Iâ-su-liát, beh bāi A-hap ê kiáⁿ Iok-lâm, in-ūi i ū phoà-pīⁿ.

9 Sian-ti Í-lī-sa kiò sian-ti ê hák-seng chit-ê, ká i kóng, Lí hā-io, thēh chit-pân iū, khi Ki-liát ê Láh-boát. ²Kàu hia, tiòh chhē Lêng-sī ê sun, Iok-sa-hoat ê kiáⁿ, Iâ-hō·, jíp-khi, hō· i tui i ê hiaⁿ-tī-tiong khí-lâi, chhoā i jíp-lāi-pāng; ³chiong pân-lāi ê iū thín tī i ê thâu-khak, kóng, Iâ-hô-hoa án-ni kóng, Goá ēng iū boah lí choè Í-sek-liát ê ông. Lí chiū tiòh khui-m̄ng tô-chiáu, m̄-thang iân-chhiân. ⁴Chit ê siàu-liân lâng, chiū-sī siàu-liân ê sian-ti, khi Ki-liát ê Láh-boát. ⁵Kàu hia, khoàⁿ-kìⁿ cheng kun-tiúⁿ teh chē; i chiū kóng, Kun-

tiúⁿ ah, goá ũ tãi-chì beh kā lí kóng. Iâ-hō· kóng, Beh kā goán tiong-kan sím-mih lāng kóng? Ìn kóng, Kun-tiúⁿ ah, chiū-sī lí. ⁶I chiū khí-lâi, jlp-khì chhù-lâi; siàu-liân lāng ēng iū thîn tī i ê thâu-khak, kā i kóng, Iâ-hô-hoa Í-sek-liát ê Siōng-tè án-ni kóng, Goá ēng iū boah lí, choè Iâ-hô-hoa ê peh-siⁿ Í-sek-liát ê ông. ⁷Lí tiòh phah-biát lí ê chú-lāng A-hap ê ke, hō· Goá thang pò-èng Goá ê lô·pòk chiah ê sian-ti ê huìh, í-kíp Iâ-hô-hoa cheng lô·pòk ê huìh, chiū-sī tī Iâ-sé-piat ê chhiú só· choè ê. ⁸In-ūi A-hap choân-ke beh lóng biát-bô; Goá beh chián-tú siók A-hap ê ta-po·-teng, bô-lūn siū khu-sok-ê, á-sī chū-iū-ê, tī Í-sek-liát tiong. ⁹Goá beh hō· A-hap ê ke chhin-chhiūⁿ Nî-pat ê kiáⁿ Iâ-lô-phò-àm ê ke, iā chhin-chhiūⁿ A-hi-ngá ê kiáⁿ Pa-sa ê ke. ¹⁰Tī Iâ-su-liát ê hng, kàu beh chiah Iâ-sé-piat, bô lāng bài-chòng i. Siàu-liân lāng chiū khui-mng tô-cháu. ¹¹Iâ-hō· chhut-khì, kàu i ê chú-lāng ê lô·pòk hia; ũ chit-lāng mng i kóng, Lóng pêng-an bô? chit ê siáu-ê lâi chhē lí sím-mih tãi-chì ah? I kā in kóng, Lín bat hit ê lāng, iā chai i só· kóng ê. ¹²In kóng, Bô-iaⁿ, lí tiòh kā goán kóng. Ìn kóng, I án-ni, án-ni kā goá kóng; i kóng, Iâ-hô-hoa án-ni kóng, Goá ēng iū boah lí choè Í-sek-liát ê ông. ¹³In koáⁿ-kín, ták-lāng ēng ka-kī ê saⁿ pho· tī kiā-á ê téng-chân, hē tī Iâ-hō· ê ē-bīn; in pūn sàu-kak kóng, Iâ-hō· choè-ông lah. ¹⁴Án-ni Lêng-sī ê sun, Iok-sa-hoat ê kiáⁿ, Iâ-hō· poē-poān Iok-lâm. (Iok-lâm kap Í-sek-liát cheng-lāng bat pé-siú Ki-liát ê Láh-boát, in-ūi A-lân ông Hap-siat ê iân-kò·. ¹⁵Chóng-sī Iok-lâm ông tò-khì Iâ-su-liát, i-tī i ê siong, chiū-sī i tī kap A-lân ông Hap-siat kau-chiàn ê sĩ, A-lân lāng phah-tiòh i--ê.) Iâ-hō· kóng, Lín ê ì-sù nā sĩ án-ni, chiū m̄-thang iông-ún lāng cháu chhut-siāⁿ,

khì Iâ-su-liát pò siau-sit. ¹⁶Iâ-hō· chiū chē-chhia, khì Iâ-su-liát, in-ūi Iok-lâm tó tī-hia. Iū-tāi ông A-hap-siā í-keng lóh-khì bāi Iok-lâm. ¹⁷Ū chit ê siú-bāng-ê khiā tī Iâ-su-liát ê lâu-téng, khoàⁿ-kìⁿ Iâ-hō· ê kun-tūi lâi, chiū kóng, Goá khoàⁿ-kìⁿ chit-tin kun-tūi. Iok-lâm kóng, Chhe chit ê khiā-bé--ê khì chih i, soà mng i kóng, Pêng-an mah? ¹⁸Khiā-bé--ê khì chih i kóng, Ông án-ni kóng, Sĩ pêng-an mah? Iâ-hō· kóng, Pêng-an á-bô, kap lí sím-mih kan-siáp? lí oat-lâi tè goá ê āu-bīn. Siú-bāng--ê koh kóng, Sù-chiá kàu in hia, chóng-sī bô tò-túg-lâi. ¹⁹Ông koh chhe chit ê khiā-bé--ê khì, i kàu in hia, kóng, Ông án-ni kóng, Sĩ pêng-an mah? Iâ-hō· kóng, Pêng-an á-bô, kap lí sím-mih kan-siáp? lí oat-lâi tè goá ê āu-bīn. ²⁰Siú-bāng--ê koh kóng, I kàu in hia, iā bô tò-túg-lâi; koáⁿ-chhia ê khoán chhin-chhiūⁿ Lêng-sī ê sun Iâ-hō· teh koáⁿ; in-ūi i koáⁿ chin kóng. ²¹Iok-lâm kóng, Thò chhia; chiū thò i ê chhia. Í-sek-liát ông Iok-lâm kap Iū-tāi ông A-hap-siā chhut-khì; ták-ê chē ka-kī ê chhia chhut-khì chih Iâ-hō·; tī Iâ-su-liát lāng Ná-pòk ê hng tú-tiòh i. ²²Iok-lâm kìⁿ-tiòh Iâ-hō· chiū kóng, Iâ-hō· ah, sĩ pêng-an mah? I ìn kóng, Lí ê lâu-bú Iâ-sé-piat ê im-hēng siā-sút hiah-choē iáu tī-teh, thái oē pêng-an? ²³Iok-lâm chiū oat-túg i ê chhia cháu, kā A-hap-siā kóng, A-hap-siā ah, ũ bô·hoán lah. ²⁴Iâ-hō· chīn-lát khui-keng, siā-tiòh Iok-lâm ê png-sī-kut tiong; chīⁿ tui i ê sim thàng--chhut khì. I chiū lek--lòh chhia-lâi. ²⁵Iâ-hō· kā i ê kun-tiúⁿ Pit-kah kóng, Lí chiong i hiat tī Iâ-su-liát lāng Ná-pòk ê hng--nih; lí tiòh kì-tit lí goá saⁿ-kap chē-chhia tè i ê lâu-pē A-hap ê sĩ, Iâ-hô-hoa tui i só· chhàm-gú-ê; ²⁶Iâ-hô-hoa kóng, Goá chā-jit ũ khoàⁿ-kìⁿ Ná-pòk ê huìh, kap i ê kiáⁿ ê huìh; Iâ-hô-hoa koh kóng, Tī chit khu hng

Goá beh pò-èng lí. Taⁿ tiòh chiong i hiat tī hit khu hng, chiàu Iâ-hô-hoa só· kóng ê. ²⁷Iû-tāi ông A-hap-siā khoàⁿ-kìⁿ án-ni, chiū tui hng ê chhù ê lô· tô-cháu. Iâ-hô· jip i, kóng, Iâ tiòh phah-sí i tī chhia-lâi; kàu oá-kūn Í-pek-liân chiūⁿ Ko-jíⁿ ê soaⁿ-phiáⁿ phah-siong i. I cháu kàu Bí-kiat-to, chiū sí tī-hia. ²⁸I ê lô·pók ēng chhia chà i kàu Iâ-lô·sat-léng, chòng tī i ê bōng, kap i ê liát-chó·, tī Tāi-pit ê siāⁿ.

²⁹Tī A-hap ê kiáⁿ Iok-lâm chấp-it nī, A-hap-siā khí-thâu choè Iû-tāi ông.

³⁰Iâ-hô· kàu Iâ-su-liát, Iâ-sé-piat thiaⁿ-kìⁿ, chiū ūi bák-bâi, soe-thâu, àⁿ tī thang-á teh-khoàⁿ. ³¹Iâ-hô· jip-mng ê sí, Iâ-sé-piat kóng, Thâi-sí chú-lâng ê Sim-lī ah, pēng-an mah? ³²Iâ-hô· kiáh-thâu ñg thang-á khoàⁿ, kóng, Chī-chūi ūi goá, chī-chūi ah? Ū nng-saⁿ ê thài-kàm àⁿ-lòh khoàⁿ i. ³³Iâ-hô· kóng, Kā i chhia--lòh-lâi; in chiū chhia i lòh-lâi; i ê huìh choāⁿ-tiòh chhiūⁿ-piaⁿ kap bé; chiū ēng kha ták i. ³⁴Iâ-hô· jlp-khì, iā chiáh iā lim, kóng, Lín khi khoàⁿ hit ê siū chiù-chó· ê hū-jm-lâng, soà bái-chòng i, in-ūi i sī ông ê cha-bó·-kiáⁿ. ³⁵In khi beh chòng i; kan-ta chhē-tiòh i ê thâu-khak-kut, kap kha, kap chhiú-chiúⁿ nā-tiāⁿ. ³⁶In tò-lâi hē-hok i; Iâ-hô· chiū kóng, Che chiū-sī Iâ-hô-hoa thok I ê lô·pók Thē-su-pí lāng Í-lī-a só· kóng ê oē, kóng, Tī Iâ-su-liát ê hng, káu beh chiáh Iâ-sé-piat ê bah. ³⁷Koh Iâ-sé-piat ê sin-si beh tī Iâ-su-liát ê hng chhin-chhiūⁿ pùn tī thô·-bīn, tì-kàu lāng bô beh kóng, Che sī Iâ-sé-piat.

10 A-hap ū chhit-cháp ê kiáⁿ tī Sat-má-lī-a. Iâ-hô· siá-phoe kiá khi Sat-má-lī-a, hō· Iâ-su-liát hiah ê siú-léng, tiúⁿ-ló, kap hiah ê bú-ióng A-hap ê chēng-kiáⁿ ê; ²phoe kóng, Lín ê chù-lāng hiah ê kiáⁿ kap lín tī-hia, lín koh ū chhia bé kap kian-kò· ê siāⁿ, kap khi-

hái; ³chit tiuⁿ phoe kàu lín hia ê sí, chiū tiòh tī lín chú-lāng hiah ê kiáⁿ ê tiòng-kan, kēng chit ê gâu koh thò-tòng ê, hō· i chē in lâu-pē ê ūi, lín iā thang ūi lín chú-lāng ê ke kau-chiàn.

⁴In chin kiaⁿ, saⁿ-kap kóng, Khoàⁿ ah, nng ê ông tī i ê bīn-chēng siōng-chhiáⁿ khiā-boē-tiâu, lán thài-thó khiā-oē-tiâu? ⁵Koán-ke--ê, kap siāⁿ-siú, kap hiah ê tiúⁿ-ló, kap bú-ióng hiah ê kiáⁿ ê, chhe lāng khi kìⁿ Iâ-hô·, kóng, Goán sī lí ê lô·pók, kìⁿ lí só· kā goán kóng ê, goán beh kiāⁿ, goán bô beh siat-líp lāng choè ông, lí só· khoàⁿ-choè hó ê, thang kiāⁿ i. ⁶I koh siá phoe hō· in kóng, Lín nā ūi goá, thiaⁿ-thàn goá ê oē, tiòh chú lín ê chú-lāng hiah ê kiáⁿ ê thâu-khak, bīn-á-jit chit-sí lāi Iâ-su-liát goá chia. Ông ê kiáⁿ chhit-cháp lāng kap siāⁿ-lāi chun-kui ê lāng, chiū-sī bú-ióng in ê, saⁿ-kap toà. ⁷Phoe chit-ē kàu, in chiū liáh ông ê kiáⁿ chhit-cháp lāng, it-chīm thài-sí, chiong thâu-khak hē tī kheng--nih, sàng kàu Iâ-su-liát Iâ-hô· hia. ⁸Ū chit ê sù-chiá lāi kā i kóng, In toà ông hiah ê kiáⁿ ê thâu-khak lāi. Iâ-hô· kóng, Chiong in thiáp choè nng-tui, hē tī Siāⁿ-mng-kháu, kàu bīn-á-chá-khí. ⁹Keh chá-khí, Iâ-hô· chhut-lāi, khiā-teh, kā chēng peh-siⁿ kóng, Lín lóng sī kong-gī; khoàⁿ ah, goá poē-poān goá ê chú-lāng, thài-sí i, chòng-sī thài-sí chiaⁿ ê chēng-lāng--ê sī chī-chūi ah? ¹⁰Taⁿ thang chai Iâ-hô-hoa ê oē, chiū-sī Iâ-hô-hoa lūn A-hap ê ke só· kóng ê, bô chit kù phah ka-lauh; in-ūi Iâ-hô-hoa thok I ê lô·pók Í-lī-a só· kóng ê oē, lóng ū choè-chiāⁿ. ¹¹Siók A-hap ê ke, tī Iâ-su-liát só· chhun ê lāng, kap i ê tãi-sin, chhin-bit ê pēng-iú, chē-si, Iâ-hô· it-chīm thài in, bô lâu chit-ê.

¹²Iâ-hô· khí-lâi, khi kàu Sat-má-lī-a. ¹³Tī lô--nih kàu bók-chiá chián iūⁿ-mng ê chhù, tú-tiòh Iû-tāi ông A-hap-siā ê hiaⁿ-tī, mng in

kóng, Lín sī sím-mih lāng? Ìn kóng, Goán sī A-hap-siā ê hiaⁿ-tī; taⁿ lóh--khì beh chhéng-an ông ê kiáⁿ kap ông-hō· ê kiáⁿ. ¹⁴I kóng, Oáh-oáh liáh in. In chiū oáh-oáh liáh in, tī chián iūⁿ-mng ê chhù ê khiⁿ-á piⁿ thâi-sí in, kiōng sì-cháp-jī lāng, bô lâu chit-ê.

¹⁵Iâ-hō· tui hia khì, tú-tiōh Lī-kah ê kiáⁿ, Iok-ná-tát, lâi chih i; Iâ-hō· chhéng-an i, tui i kóng, Lí ê sim cheng-tit ñg goá, chhin-chhiūⁿ goá ê sim ñg lí ê sim á-bô? Iok-ná-tát ñn kóng, Sī. Iâ-hō· kóng, Nā-sī án-ni, chhun lí ê chhiú hō· goá. I chiū chhun-chhiú hō· i. I chiū khan i chiūⁿ-chhia. ¹⁶Iâ-hō· kóng, Lí kap goá saⁿ-kap khì, khoàⁿ goá ūi-tiōh Iâ-hô-hoa ê jiát-sim. Chiū hō· i chē tī i ê chhia. ¹⁷Kàu Sat-má-lī-a chiū thâi-sí kìⁿ-nā siók A-hap só· chhun tī Sat-má-lī-a ê, it-chīn biát i, chiàu Iâ-hô-hoa tui Í-lī-a só· kóng ê oē.

¹⁸Iâ-hō· chio-chíp cheng peh-siⁿ, kā in kóng, A-hap hók-sāi Pa-lék iáu sī sió-khoá, Iâ-hō· beh toā-toā hók-sāi i. ¹⁹Só·-í tiōh tiàu Pa-lék cheng sian-ti, kap it-chhè hók-sāi Pa-lék ê, kap i lóng-chóng ê chē-si, lâi goá chia, m̄-thang kiám chit-lāng, in-ūi goá beh hiàn toā ê chē-sū hō· Pa-lék; kìⁿ-nā bô lâi ê, boē tit-tiōh oáh. Iâ-hō· án-ni kiáⁿ sī ēng khui-kè, beh it-chīn thâi-sí pài Pa-lék ê lāng. ²⁰Iâ-hō· kóng, Tiōh ūi Pa-lék soan-pò· giâm-siok-hoē. In chiū soan-pò·. ²¹Iâ-hō· chhe lāng piàn-kiáⁿ Í-sek-liát toē; pài Pa-lék ê lāng lóng chiàu kàu, bô chit-ê bô lâi. In chiū jip Pa-lék ê biō; Pa-lék ê biō-lāi, tui chit-peng kàu hit-peng, lāng moá-moá. ²²Iâ-hō· hoan-hù chiáng lé hók ê lāng kóng, Thèh lé-hók chhut-lâi hō· it-chhè pài Pa-lék ê lāng chhēng. I chiū thèh lé-hók chhut-lâi hō· in. ²³Iâ-hō· kap Lī-kah ê kiáⁿ, Iok-ná-tát, jip Pa-lék ê biō; kā pài Pa-lék ê lāng kóng, Lín tiōh chhâ-khoàⁿ, tī

lín ê tiong-kan m̄-thang ū hók-sāi Iâ-hô-hoa ê lāng, kan-ta pài Pa-lék ê lāng nā-tiāⁿ. ²⁴In jip--khì beh hiàn chē-sū sio-chè. Iâ-hō· tãi-seng an-ti poeh-cháp lāng tī goā-bīn, kóng Goá chiong chiaⁿ ê lāng kau tī lín ê chhiú, nā chit-lāng cháu--khì, pàng i cháu ê lāng i ê miā tiōh pē miā. ²⁵Iâ-hō· hiàn sio-chè beng-pék chiū kā hō·-oē-peng kap hiah ê kun-tiūⁿ kóng, Lín jip--khì thâi in, m̄-thang iōng-ún chit-lāng chhut-lâi. In chiū ēng to thâi in; hō·-oē-peng kap kun-tiūⁿ hiat sin-si chhut--khì; chiū khì kàu Pa-lék biō ê siāⁿ. ²⁶In chiong Pa-lék biō-lāi ê thiāu-siōng thèh--chhut-lâi sio. ²⁷In húi-hoai Pa-lék ê thiāu-siōng, húi-hoai Pa-lék ê biō, ēng i choē chhè-ti kàu kin-á-jit. ²⁸Án-ni Iâ-hō· tī Í-sek-liát tiong biát-bô Pa-lék. ²⁹Chóng-sī Iâ-hō· bô lī-khui Nī-pat ê kiáⁿ Iâ-lô-phò-àm ê choē, chiū-sī i só· ēng hō· Í-sek-liát hoan-choē ê, chiū-sī pài Pek-ték-lī kap Tàn só· ū kim ê gū-á. ³⁰Iâ-hô-hoa kā Iâ-hō· kóng, In-ūi lí kiāⁿ-hó chiāⁿ Goá só· khoàⁿ-choē hó ê, chiàu Goá ê sim-ì khoán-thāi A-hap ê ke, lí ê kiáⁿ-sun beh chē Í-sek-liát ê kok-ūi lèk-kè sì-tāi. ³¹Chóng-sī Iâ-hō· bô choan-sim chun-siú lâi kiáⁿ Iâ-hô-hoa Í-sek-liát ê Siōng-tè ê lút-hoat, bô lī-khui Iâ-lô-phò-àm ê choē, chiū-sī só· ēng lâi hō· Í-sek-liát lāng hoan-choē ê.

³²Hit-tiáp Iâ-hô-hoa khí-thâu koah Í-sek-liát kok, hō· i khah soē; Hap-siat kong-kek Í-sek-liát ê sì-kéng; ³³tui Iok-tàn hô tang-si, Ki-liát ê choân-toē, Ka-tek lāng, Liū-piān lāng, Má-ná-se lāng ê toē, tui kūn A-lūn soaⁿ-kok ê A-lô-jíⁿ, chiū-sī Ki-liát kap Pa-san. ³⁴Iâ-hō· kī-ū ê sū, kìⁿ i só· kiāⁿ ê, kap i ê lēng-lèk, kiám bô lóng kì tī Í-sek-liát chiaⁿ ê ông ê kì-liók mah? ³⁵Iâ-hō· kap i ê liát-chó· tang-khùn; in bài-chòng i tī Sat-má-lī-a. I ê kiáⁿ

Iok-hap-su soà-chiap i choè ông. ³⁶Iâ-hō· tī Sat-má-lī-a choè Í-sek-liát ông ê sī lèk-kè jī-cháp-poeh nī.

11 A-hap-siā ê lāu-bú, A-tha-lī-ngá, khoàⁿ-kìⁿ i ê kiáⁿ í-keng sí, chiū khí-lâi châu-biát it-chīn ê ông-chhin. ²Chóng-sī Iok-lâm ông ê cha-bó·-kiáⁿ, A-hap-siā ê chí-bē, Iok-sī-pa, chiong A-hap-siā ê kiáⁿ, Iok-a-si, tui hiah ê siū-thâi ê ông kiáⁿ tiong thau-phō chhut-lâi, chiong i kap i ê leng-bú khng tī khùn-pâng-nih; in tui A-tha-lī-ngá khâm-bát i, hō· i bô siū thâi. ³Āu-lâi kap i saⁿ-kap khng tī Iâ-hô-hoa ê tiān lèk-kè lák-nī kú; A-tha-lī-ngá koán-lí hit ê toē-hng.

⁴Kàu tē chhit nī, Iâ-hô-iâ-tāi chhe lāng kiò Ka-lī chók kap hō·-oē-peng ê pé-chóng, chhoā in jlp Iâ-hô-hoa ê tiān kàu i hia, chiū kap in lip-iok, hō· in tī Iâ-hô-hoa ê tiān chiū-choā, koh ēng ông ê kiáⁿ hō· in khoàⁿ. ⁵Koh hoan-hù in kóng, Lín tiòh án-ni kiāⁿ; kìⁿ-nā lín tī an-hioh-jlt jlp--lâi ê saⁿ-hūn-chit tiòh kò·-siú ông-kiong; ⁶saⁿ-hūn-chit tiòh tī hō·-oē-peng āu-bīn ê mng; án-ni kò·-siú ông-kiong, chó·-chí lāng chhut-jlp. ⁷Kìⁿ-nā lín tī an-hioh-jlt chhut-khì ê nng-hūn tiòh kò·-siú Iâ-hô-hoa ê tiān, tī ông ê sī-úi. ⁸Lín ták-lāng chhiú kiáh ke-si sī-úi pó-hō· ông; kìⁿ-nā lāng jlp lín ê pan-liát-ê, tiòh hō· i sí; ông chhut, ông jlp ê sí, lín tiòh kun-súi i. ⁹Hiah ê pé-chóng chiàu chē-si Iâ-hô-iâ-tāi it-chhè só· bēng-lēng-ê khì kiāⁿ; ták-lāng toà in lūn-tiòh an-hioh-jlt jlp-lâi ê lāng kap in lūn-tiòh an-hioh-jlt chhut-khì ê lāng lâi kàu chē-si Iâ-hô-iâ-tāi hia. ¹⁰Chē-si chiū chiong Iâ-hô-hoa tiān-lāi só· khng Tāi-pit ông ê chhiuⁿ kap pīn-pāi kau hō· hiah ê pé-chóng. ¹¹Hō·-oē-peng chhiú--nih kiáh ke-si, tī toāⁿ kap tiān hia, tui tiān ê chiàⁿ-pēng kàu tiān ê tò-pēng,

khia tī ông ê sī-úi. ¹²Chē-si chhoā ông ê kiáⁿ chhut-lâi, ká i tī bián-liú chiong lút-hoat ê chheh hō· i; ēng iū boah i, siat-lip i choè-ông; in chiū phah chhiú-chiúⁿ kóng, Goān ông bān-soè. ¹³A-tha-lī-ngá thiaⁿ-kìⁿ hō·-oē-peng kap peh-siⁿ ê siaⁿ, chiū kàu peh-siⁿ hia, jlp Iâ-hô-hoa ê tiān; khoàⁿ-kìⁿ ông chiàu-lē khia tī thiāu-piⁿ, kun-tiúⁿ kap pūn hō-thâu ê, khia tī ông ê chó·iū; kok-lāi chēng peh-siⁿ hoaⁿ-hí, pūn hō-thâu. A-tha-lī-ngá chiū thiah-līh i ê saⁿ, hoah kóng, Hoán-poān ah, hoán-poān ah. ¹⁵Chē-si Iâ-hô-iâ-tāi hoan-hù koán-hat kun-tui ê pé-chóng, tui in kóng, Tui pan-liát ê tiong-kan koáⁿ i chhut-khì, kìⁿ-nā tē-i-ê, tiòh ēng to thâi-sí i; in-úi chē-si kóng, M̄-thang tī Iâ-hô-hoa ê tiān thâi i. ¹⁶In siám-khui siang-pēng hō· i khì; i tui chiūⁿ-kàu ông-kiong ê bé-lō· khì, tī-hia siū-thâi.

¹⁷Iâ-hô-iâ-tāi chiū tī Iâ-hô-hoa kap ông kap peh-siⁿ ê tiong-kan lip-iok, hō· in choè Iâ-hô-hoa ê peh-siⁿ; koh tī ông kap peh-siⁿ ê tiong-kan lip-iok. ¹⁸Tui án-ni kok-lāi ê chēng peh-siⁿ kàu Pa-lèk ê biō, thiah-húi i; phah-chhiú hiah ê toāⁿ kap ngó·-siōng, koh tī toāⁿ-chēng phah-sí Pa-lèk ê chē-si Má-thán. Chē-si siat koaⁿ-oān lâi kò·-siú Iâ-hô-hoa ê tiān. ¹⁹Koh chhoā pé-chóng kap Ka-lī-chók kap hō·-oē-peng. í-klp kok-lāi chēng peh-siⁿ; in tui Iâ-hô-hoa ê tiān chhoā ông lōh--lâi, tui hō·-oē-peng ê mng-lō· jlp ông-kiong. I chiū chē ông-úi. ²⁰Kok-lāi ê peh-siⁿ lóng hoaⁿ-hí, thong-siāⁿ lóng an-chēng; in tī ông-kiong hia, ēng to thâi-sí A-tha-lī-ngá. ²¹Iok-a-si chē-úi ê sī chhit-hè.

12 Iâ-hō· tē chhit nī, Iok-a-si chē-úi; tī Iâ-lō·-sat-léng choè ông lèk-kè sī-cháp nī; i ê lāu-bú miá kiò Se-pí-a, sī Piát-sī-pa lāng. ²Iok-a-si tit-tiòh chē-si Iâ-hô-iâ-tāi kà-sī, it-seng

kiâⁿ Iâ-hô-hoa khoàⁿ-choè hó ê sū. ³Chóng-sī soaⁿ-thâu-biō bô hoè-bô; peh-sìⁿ iáu hiàn-chè sio-hiūⁿ tī soaⁿ-thâu-biō.

⁴Iok-a-si kâ cheng chè-si kóng, Kìⁿ-nā hiàn tī Iâ-hô-hoa ê tiān hun-piat choè-seng ê mih, só· tát ê gūn, chiū-sī thong-ēng ê gūn, á-sī ták-lâng eng-kai láp ê sin-kè gūn, á-sī sim só· goān hiàn tī Iâ-hô-hoa tiān ê gūn; ⁵chè-si ták-lâng tiōh tui só· bat ê lêng siu-lâi, siu-lí tiān phoà-hoāi ê só·-chāi; bô-lūn sim-mih só·-chāi phoà-hoāi, lóng tiōh siu-lí. ⁶Chóng-sī Iok-a-si ông jī-cháp-saⁿ nī, chè-si iáu-bē siu-lí tiān phoà-hoāi ê só·-chāi. ⁷Só·-í Iok-a-si ông tiâu chè-si Iâ-hô-iâ-tāi, kap kī-ū ê chè-si lāi, kâ in kóng, Lín cháiⁿ-iūⁿ bô siu-lí tiān phoà-hoāi ê só·-chāi ah? Taⁿ lín m̄-thang koh tui só· bat ê lêng siu gūn, tiōh kau-chhut hit ê gūn, siu-lí tiān phoà-hoāi ê só·-chāi. ⁹Cheng chè-si tah-èng m̄ koh siu peh-sìⁿ ê gūn, iā bô siu-lí tiān phoà-hoāi ê só·-chāi.

⁹Chì-si Iâ-hô-iâ-tāi chhú chit ê kūi, tī kūi-koà chhák chit khang, hē tī toāⁿ-piⁿ, tī jlp Iâ-hô-hoa tiān ê chiāⁿ-pêng; pé-m̄ng ê chè-si chiong toà jlp Iâ-hô-hoa tiān ê gūn hē tī kūi-lāi. ¹⁰In khoàⁿ-kìⁿ kūi-lāi ê gūn í-keng choē, ông ê su-kì kap toā chè-si chiūⁿ-lâi, chiong Iâ-hô-hoa tiān-lāi só· tit-tiōh ê gūn, khoán tī tē-á-lāi, lāi sng phêng i. ¹¹Chiong só· phêng ê gūn kau hō· choè-kang-ê, chiū-sī Iâ-hô-hoa tiān-lāi pān-sū ê lêng; in chiū chiong i hoat hō· siu-lí Iâ-hô-hoa tiān ê bák-chhiūⁿ, kap kiàn-tiok ê lêng; ¹²kap thô·-chhiūⁿ, chiòh-chhiūⁿ, iā beh boé chhâ-liāu kap kè-phah ê chiòh, siu-lí Iâ-hô-hoa tiān phoà-hoāi ê só·-chāi, í-kíp siu-lí tiān ê cháp-hùi. ¹³Chóng-sī hit ê toà-lāi jlp Iâ-hô-hoa tiān ê gūn, bô ēng i lāi choè Iâ-hô-hoa tiān-lāi ê gūn-poe, chián-to, oáⁿ, hō-thâu, kap ták-hō kim-khì gūn-khì;

¹⁴chiū chiong hit ê gūn kau hō· choè-kang ê lêng, siu-lí Iâ-hô-hoa ê tiān. ¹⁵Koh chiong gūn kau hō· só· keng-chhiú ê lêng, hō· i hoat hō· choè-kang lêng, bô kap in sng-siàu; in-ūi in choè tãi-chì sêng-sit. ¹⁶Tók-tók pò·-kè-sit-chè ê gūn, siòk-choē-chè ê gūn, bô toà-jlp Iâ-hô-hoa ê tiān, sī kui chè-si.

¹⁷Hit-sī A-lân ông Hap-siat chiūⁿ-khì kong-kek Ka-ték, thèh i, chiū tiāⁿ-tiōh ì-sù chiūⁿ-khì kong-kek Iâ-lō·-sat-léng. ¹⁸Iū-tāi ông Iok-a-si chiong i ê liát-chó· Iū-tāi ông Iok-sa-hoat, Iâ-hô-lâm, A-hap-siā só· hiàn choè-seng ê mih, kap i pún-sin só· hiàn choè-seng ê mih, í-kíp Iâ-hô-hoa ê tiān kap ông-kiong hú-khò· só· ū ê kim, lóng sàng hō· A-lân ông Hap-siat; i chiū bô chiūⁿ-lāi Iâ-lō·-sat-léng. ¹⁹Iok-a-si kī-ū ê sū, kìⁿ i só· kiâⁿ ê, kiám bô lóng kì tī Iū-tāi liát-ông ê kì-liók mah? ²⁰I ê jīm-sin khí-lāi, poē-poān, thài-sí Iok-a-si, tī lóh-khì Sek-láh Bí-lô ê chhù. ²¹I ê jīm-sin, chiū-sī Sī-bí-ap ê kiáⁿ Lok-sat-kah, kap Sok-bék ê kiáⁿ Iok-sat-poát thài-sí i; lêng bài-chòng i tī Tāi-pit ê siāⁿ, kap i liát-chó· siāng-ūi; i ê kiáⁿ A-má-siā soà-chiap i choè-ông.

13 Iū-tāi ông A-hap-siā ê kiáⁿ Iok-a-si jī-cháp-saⁿ nī, Iâ-hō· ê kiáⁿ Iok-hap-su tī Sat-má-lī-a chē-ūi, choè Í-sek-liát ông, kiōng cháp-chhit nī. ²I kiâⁿ Iâ-hô-hoa só· khoàⁿ-choè pháiⁿ ê sū, thàn Nī-pat ê kiáⁿ Iâ-lô-phò-àm hō· Í-sek-liát lêng hoān-choē hit ê choē, lóng bô lī-khui i. ³Iâ-hô-hoa chiū siū-khì kàu Í-sek-liát lêng, siōng-siōng kau in tī A-lân ông Hap-siat ê chhiú, kap Hap-siat ê kiáⁿ Piān-hap-tát ê chhiú. ⁴Iok-hap-su khún-kiú Iâ-hô-hoa, Iâ-hô-hoa thiaⁿ i; in-ūi I khoàⁿ-kìⁿ Í-sek-liát lêng siū chè-ap, chiū-sī A-lân ông chè-ap in. ⁵Iâ-hô-hoa siūⁿ-sù Í-sek-liát chit ê chín-kiù-ê, hō· in thoat-lī A-lân lêng ê chhiú.

Í-sek-liát lāng chiū chiàu-kū khiā-khí in ê pò·pīⁿ. ⁶Chóng-sī in bô lī-khui Iā-lô-phò-àm ê ke ê choē, chiū-sī hō· Í-sek-liát lāng hoān-choē ê, iū-goān án-ni khi kiāⁿ; Sat-má-lī-a ê A-siā-lāh iáu lâu-teh.) ⁷I tī peh-sīⁿ tiong chí-ū lâu bé-peng gō· chấp, chiàn-chhia chấp-tiuⁿ, pō·peng chít-bān, in-ūi A-lân ông ū biát in, thún-táh in, chhin-chhiūⁿ gō·kak-tiūⁿ ê thō·soa. ⁸Iok-hap-su kí-ū ê sū, kìⁿ i só· kiāⁿ ê, kap i ê lēng-lék, kiám bô lóng kì tī Í-sek-liát chiah ê ông ê kì-liók mah? ⁹Iok-hap-su kap i ê liát-chó· tâng-khùn, lāng bài-chòng i tī Sat-má-lī-a; i ê kiáⁿ Iok-a-si soà-chiap i choē ông.

¹⁰Iū-tāi ông Iok-a-si saⁿ-cháp-chhit nī, Iok-hap-su ê kiáⁿ Iok-a-si tī Sat-má-lī-a chē-ūi, choē Í-sek-liát ông, kiōng chấp-lák nī. ¹¹I kiāⁿ Iā-hô-hoa só· khoàⁿ-choē pháiⁿ ê sū, bô lī-khui Nī-pat ê kiáⁿ Iā-lô-phò-àm ê choē, chiū-sī i hō· Í-sek-liát lāng hoān-choē ê; iū-goān án-ni kiāⁿ. ¹²Iok-a-si kí-ū ê sū, kìⁿ i só· kiāⁿ ê, í-klp i kap Iū-tāi ông A-má-siā kau-chiàn ê lēng-lék, kiám bô lóng kì tī Í-sek-liát chiah ê ông ê kì-liók mah? ¹³Iok-a-si kap i ê liát-chó· tâng-khùn; Iā-lô-phò-àm chē i ê ūi. Iok-a-si kap Í-sek-liát chiah ê ông saⁿ-kap chòng tī Sat-má-lī-a.

¹⁴Í-lī-sa hoān-tiōh phò·pīⁿ, chiū-sī beh sí ê pīⁿ; Í-sek-liát ông Iok-a-si lóh-lāi khoàⁿ i, àⁿ tī i ê bīn thi-khàu, kóng, Goá ê pē ah, goá ê pē ah, Í-sek-liát ê chiàn-chhia kap i ê bé-peng ah. ¹⁵Í-lī-sa ká i kóng, Lí kiáh keng-chìⁿ. I chiū kiáh keng kap chìⁿ. ¹⁶Koh ká Í-sek-liát ông kóng, Lí ēng chhiú puih keng; i chiū ēng chhiú puih i. ¹⁷Í-lī-sa hoāⁿ-chhiú tī ông ê chhiú, kóng, Lí khui òng tang--sì ê thang-á. I chiū khui. Í-lī-sa kóng, Siā chìⁿ. I chiū siā chìⁿ. Í-lī-sa kóng, Che sī Iā-hô-hoa thāi-iāⁿ ê chìⁿ, chiū-sī thāi-iāⁿ A-lân lāng ê chìⁿ, in-ūi lí

beh tī A-hut kong-kek A-lân lāng, kàu it-chīn biát in. ¹⁸Koh kóng, Kiáh hiah ê chìⁿ; i chiū kiáh i. I koh ká Í-sek-liát ông kóng, Phah toē. I phah saⁿ-pái chiū soah. ¹⁹Siōng-tè ê lô·pók siū-khì i kóng, Lí hit-tiáp tiōh phah gō·lák pái, chiū oē kong-kek A-lân, kàu i it-chīn biát; taⁿ chí-ū oē phah-pái A-lân lāng saⁿ-pái.

²⁰Í-lī-sa sí-liáu, lāng ká i bài-chòng; kàu sin-nī, ū Mô·ap kui-tīn lāng chhim-hoān keng-kài. ²¹Ū lāng tú-á teh bài-chòng sí-lāng, hut-jian khoàⁿ-kìⁿ kui-tīn lāng, chiū chiong sí-lāng hiat tī Í-lī-sa ê bōng; sí-lāng chít-ē kháp-tiōh Í-lī-sa ê kut-thâu, chiū koh-oáh khí-lāi khiā.

²²Iok-hap-su ê nī-kan, A-lân ông Hap-siat táuh-táuh chē-ap Í-sek-liát lāng. ²³Chóng-sī Iā-hô-hoa in-ūi I kap A-pek-láh-hán, Í-sat, Ngá-kok só· lip ê iok, iū-goān si-un hō· Í-sek-liát, lín-bín in, koàn-kò in, m̄-kam châu-biát in, iáu-bē koáⁿ-tiók in lī-khui I ê bīn-chēng. ²⁴A-lân ông Hap-siat sí, i ê kiáⁿ Piān-hap-tát soà-chiap i choē ông. ²⁵Chēng Hap-siat kap Iok-a-si ê lâu-pē Iok-hap-su kau-chiàn, tui i ê chhiú thēh-khì kúi-nā ê siāⁿ; taⁿ Iok-hap-su ê kiáⁿ Iok-a-si tui Hap-siat ê kiáⁿ Piān-hap-tát ê chhiú thēh tò-túg. Iok-a-si phah i saⁿ-pái, Khek-hók Í-sek-liát hiah ê siāⁿ.

14 Í-sek-liát ông Iok-hap-su ê kiáⁿ Iok-a-si tē-jī nī, Iū-tāi ông Iok-a-si ê kiáⁿ A-má-siā chē-ūi. ²I chē-ūi ê sí, jī-cháp-gō· hē; tī Iā-lō-sat-léng choē-ông kiōng jī-cháp-káu nī; i ê lâu-bú miā kiò Iok-iā-tàn, sī Iā-lō-sat-léng lāng. ³A-má-siā kiāⁿ Iā-hô-hoa khoàⁿ-choē hó ê sū; chóng-sī bô chhin-chhiūⁿ i ê chó· Tāi-pit, chiū-sī chiàu i ê lâu-pē Iok-a-si it-chhē só· kiāⁿ-ê khi kiāⁿ. ⁴chóng-sī soaⁿ-thâu-toāⁿ iáu-bē hoē-bô; peh-sīⁿ iū-goān hiàn-chē sio-hiuⁿ tī

soaⁿ-thâu-toaⁿ. ⁵Chêng hiah ê jîn-sîn thâi-sí i ê lâu-pē, Iû-tāi ông, taⁿ kok-koân chit-ē kian-kò; chiū kâ in thâi-sí. ⁶Chóng-sī bô thâi-sí in ê kiáⁿ, chiàu Mô-se lùt-hoat ê chheh só· kì-chài, Iâ-hô-hoa bēng-lēng kóng, M̄-thang in-ūi kiáⁿ lâi thâi-sí lâu-pē, iā m̄-thang in-ūi lâu-pē lâi thâi-sí kiáⁿ; ták-lâng tiók in-ūi pún-sin ê choē lâi sí. ⁷A-má-siā tī Iâm ê soaⁿ-kok thâi-sí Í-tong lāng chit-bān, koh kong-chhú Se-láh, koé miá kiò Iok-thiap, kàu kin-á-jít.

⁸Hit-sī A-má-siā chhe sù-chiá khi kìⁿ Iâ-hō· ê sun, Iok-hap-su ê kiáⁿ, Í-sek-liát ông Iok-a-si, kóng, Lâi ah, lán n̄ng-lāng saⁿ-kìⁿ-bīn tī chiàn-tiūⁿ. ⁹Í-sek-liát ông Iok-a-si chhe sù-chiá khi kìⁿ Iû-tāi ông A-má-siā kóng, Lī-pa-lùn ê chháu-chhi chhe sù-chiá khi kìⁿ Lī-pa-lùn ê peh-hiūⁿ-chhiū, kóng, Ēng lí ê cha-bó·-kiáⁿ hō· goá ê kiáⁿ choē-bó; āu-lâi Lī-pa-lùn ū chit chiah iá-siū keng-kè, thún-táh hit ê chháu-chhi. ¹⁰Lí í-keng phah-iāⁿ Í-tong, sim chiū kiau-ngō; lí liáh chit-ē choē êng-kng, tī ke-lāi an-jiân khiā-khí chiū hó; siáⁿ-sū khí-sū jiá chai-ē, hō· pún-sin kap Iû-tāi kok saⁿ-kap tó-hoāi ah? ¹¹Chóng-sī A-má-siā m̄-khéng thiaⁿ. Tùi án-ni Í-sek-liát ông Iok-a-si chiūⁿ-lâi; tī Iû-tāi ê Pek-sī-bék kap Iû-tāi ông A-má-siā saⁿ-kìⁿ-bīn tī chiàn-tiūⁿ. ¹²Iû-tāi thâi-su tī Í-sek-liát ê bīm-chēng; ták-lâng cháu tò-khì in ê pò·-pīⁿ. ¹³Í-sek-liát ông Iok-a-si tī Pek-sī-bék liáh--tióh A-hap-siā ê sun, Iok-a-si ê kiáⁿ, Iû-tāi ông A-má-siā, chiū lâi kàu Iâ-lō·sat-léng, thiah-húi Iâ-lō·sat-léng ê siáⁿ-chhiūⁿ, tùi Í-hoat-liân m̄ng kàu kak-m̄ng, kiōng sì-pah tiú; ¹⁴koh chiong Iâ-hô-hoa tiān-lāi kap ông-kiong hú-khò· só· ū ê kim-gūn kap khi-kū, lóng thêh--khì; koh toà lāng khi choē chún-tng, chiū tò khi Sat-má-lī-a.

¹⁵Iok-a-si kī-ū ê sū, kìⁿ i só·-kiāⁿ-ê, kap i

ê lēng-lék, í-kíp kap Iû-tāi ông A-má-siā kau-chiàn ê sū, kiám bô lóng kì tī Í-sek-liát chiah ê ông ê kì-liók mah? ¹⁶Iok-a-si kap i ê liát-chó· tâng-khùn, kap Í-sek-liát chiah ê ông saⁿ-kap chòng tī Sat-má-lī-a; i ê kiáⁿ Iâ-lô-phò-àm soà-chiap i choē ông.

¹⁷Í-sek-liát ông Iok-hap-su ê kiáⁿ Iok-a-si sí-liáu, Iû-tāi ông Iok-a-si ê kiáⁿ A-má-siā iáu oah cháp-gō· nī. ¹⁸A-má-siā kī-ū ê sū, kiám bô lóng kì tī Iû-tāi liát-ông ê kì-liók mah? Tī Iâ-lō·sat-léng ū lāng kiát-tóng beh hāi A-má-siā. ¹⁹I chiū cháu kàu Láh-kiat, in chhe lāng jip i kàu Láh-kiat, thâi-sí i tī-hia. ²⁰Lāng chiū ēng bé chàl i kàu Iâ-lō·sat-léng, kap i ê liát-chó· chòng tī Tāi-pit ê siáⁿ. ²¹Iû-tāi chēng peh-siⁿ siat-líp A-sat-lī-ngá soà-chiap i ê lâu-pē A-má-siā choē-ông. Hit-sī i cháp-lák hè. ²²A-má-siā ông kap i ê liát-chó· tâng-khùn liáu-āu, A-sat-lī-ngá khí Í-láh-tha, hō· i iū-goân kui Iû-tāi kok koán-hat.

²³Iû-tāi ông Iok-a-si ê kiáⁿ A-má-siā cháp-gō· nī, Í-sek-liát ông Iok-a-si ê kiáⁿ Iâ-lô-phò-àm tī Sat-má-lī-a chē-ūi, kiōng choē-ông sì-cháp-it nī. ²⁴I kiáⁿ Iâ-hô-hoa khoàⁿ-choē pháiⁿ ê sū, bô lī-khui Nī-pat ê kiáⁿ Iâ-lô-phò-àm hō· Í-sek-liát hoān-choē ê. ²⁵I khoe-hók Í-sek-liát kau-kài ê toē, tùi Hap-má-kháu kàu A-láh-pa hái, chiàu Iâ-hô-hoa Í-sek-liát ê Siōng-tè thok I ê lô·pòk Ka-ték-hi-hut lāng, A-bí-thài ê kiáⁿ, sian-ti Iok-ná só· kóng ê oē. ²⁶In-ūi Iâ-hô-hoa khoàⁿ-kìⁿ Í-sek-liát lāng chin kan-khó, bô-lūn siū khu-sok ê, chū-iū ê, lóng bô--lah, iā bô lāng pang-chān Í-sek-liát. ²⁷Iâ-hô-hoa bē-bat kóng beh chhat-siau Í-sek-liát ê miá tī thiⁿ-ē; chiū thok Iok-a-si ê kiáⁿ Iâ-lô-phò-àm ê chhiú lâi kiū in. ²⁸Iâ-lô-phò-àm kī-ū ê sū, kìⁿ i só· kiāⁿ ê, kap i ê lēng-lék, i cháiⁿ-iūⁿ kau-chiàn, cháiⁿ-iūⁿ hók-tò Tāi-má-

sek kap Hap-má, chiū-sī chêng siók Iū-tāi ê, hō· in koh kui Í-sek-liát, kiám bô lóng kì tī Í-sek-liát chiah ê ông ê kì-liók mah? ²⁹Iâ-lô-phò-àm kap i ê liát-chó· Í-sek-liát chiah ê ông tâng-khùn; i ê kiáⁿ Sat-ka-lī-ngá soà-chiap i choè-ông.

15 Í-sek-liát ông Iâ-lô-phò-àm jī-cháp-chhit nī, Iū-tāi ông A-má-siā ê kiáⁿ A-sat-lī-ngá chē-ūi. ²I chē-ūi ê sī, cháp-lák hē; tī Iâ-lô-sat-léng choè-ông kiōng gō·cháp-jī nī. I ê lâu-bú miā kiò Iâ-khó-lī-ngá, sī Iâ-lô-sat-léng lāng. ³I kiāⁿ Iâ-hô-hoa só· khoàⁿ-choè hó ê sū, chiàu i ê lâu-pē A-má-siā it-chhè ê só·kiāⁿ. ⁴chóng-sī soaⁿ-thâu-toāⁿ iáu bô hoè-khì, peh-siⁿ iū-goân hiàn-chè sio-hiūⁿ tī soaⁿ-thâu-toāⁿ. ⁵Iâ-hô-hoa chiū phah ông, hō· i thái-ko, kàu i sí ê jlt, i chiū lēng-goā chhù khiā-khí. I ê kiáⁿ Iok-thán koán-lí ke-sū, tī-lí kok-bîn. ⁶A-sat-lī-ngá kí-û ê sū, kìⁿ i só· kiāⁿ ê, kiám bô lóng kì tī Iū-tāi liát-ông ê kì-liók mah? ⁷A-sat-lī-ngá kap i ê chó· tâng-khùn, kap i ê chó· chòng tī Tāi-pit ê siāⁿ. I ê kiáⁿ Iok-thán soà-chiap i choè-ông.

⁸Iū-tāi ông A-sat-lī-ngá saⁿ-cháp-poeh nī, Iâ-lô-phò-àm ê kiáⁿ Sat-ka-lī-ngá tī Sat-má-lī-a choè Í-sek-liát ông lák-gêh-jlt. ⁹I kiāⁿ Iâ-hô-hoa khoàⁿ-choè pháiⁿ ê sū, chiàu i ê liát-chó· só· kiāⁿ ê, bô lī-khui Nī-pat ê kiáⁿ Iâ-lô-phò-àm ê choē, chiū-sī hō· Í-sek-liát hoān-choē ê. ¹⁰Ngá-pí ê kiáⁿ Sa-liông poē-poān i, tī peh-siⁿ ê bīn-chêng phah i, thái i, chhoàn i ê ūi. ¹¹Sat-ka-lī-ngá kí-û ê sū, lóng kì tī Í-sek-liát chiah ê ông ê kì-liók. ¹²Che sī chêng Iâ-hô-hoa kā Iâ-hō· kóng ê oē, kóng, Lí ê kiáⁿ-sun beh chē Í-sek-liát ê kok-ūi kàu sī-tāi, chit ê oē án-ni èng-giām.

¹³Iū-tāi ông O·se-ngá saⁿ-cháp-káu nī, Ngá-pí ê kiáⁿ Sa-liông chē-ūi, tī Sat-má-lī-a

choè-ông chit-gêh-jlt. ¹⁴Ka-tí ê kiáⁿ Bí-ná-hiān tūi Tek-sat chiūⁿ-khì Sat-má-lī-a, phah Ngá-pí ê kiáⁿ Sa-liông tī Sat-má-lī-a, thái-sí i, chhoàn i ê ūi. ¹⁵Sa-liông kí-û ê sū, kap i poē-poān ê chêng-hêng, lóng kì tī Í-sek-liát chiah ê ông ê kì-liók. ¹⁶Hit-sī Bí-ná-hiān phah Thē-húi-sat, kap kìⁿ-nā tī in tiong-kan ê, kap i ê sī-kéng, tūi Tek-sat khí; in-ūi in bô kā i khui siāⁿ-mng, só·í phah i, iā phòà-khui in tiong-kan it-chhè ū sin-in ê hū-jīn-lāng.

¹⁷Iū-tāi ông A-sat-lī-ngá saⁿ-cháp-káu nī, Ka-tí ê kiáⁿ Bí-ná-hiān chē-ūi, tī Sat-má-lī-a choè Í-sek-liát ông, kiōng cháp-nī. ¹⁸I kiāⁿ Iâ-hô-hoa só· khoàⁿ-choè pháiⁿ ê sū, chit-si-lāng bô lī-khui Nī-pat ê kiáⁿ Iâ-lô-phò-àm ê choē, chiū-sī hō· Í-sek-liát hoān-choē-ê. ¹⁹A-sút ông Phó·lèk lāi kong-kek chit ê thó·toē. Bí-ná-hiān ēng gūn chit-chheng tha-liān-tek hō· Phó·lèk, ài i pang-chān lāi kian-kò· i ê kok-koān. ²⁰Bí-ná-hiān tūi Í-sek-liát it-chhè ê toā hó-giāh lāng, kiōng phài chiah ê gūn, kah ták-lāng chhut gūn gō·cháp sià-khek-lèk, sàng hō· A-sút ông. Tūi án-ni A-sút ông tò-khì, bô tiām hit só·chāi. ²¹Bí-ná-hiān kí-û ê sū, kìⁿ i só· kiāⁿ ê, kiám bô lóng kì tī Í-sek-liát chiah ê ông ê kì-liók mah? ²²Bí-ná-hiān kap i ê liát-chó· tâng-khùn; i ê kiáⁿ Pí-ka-hat soà-chiap i choè-ông.

²³Iū-tāi ông A-sat-lī-ngá gō·cháp nī, Bí-ná-hiān ê kiáⁿ Pí-ka-hat tī Sat-má-lī-a choè Í-sek-liát ông, kiōng nng-nī. ²⁴I kiāⁿ Iâ-hô-hoa só· khoàⁿ-choè pháiⁿ ê sū; bô lī-khui Nī-pat ê kiáⁿ Iâ-lô-phò-àm ê choē, chiū-sī hō· Í-sek-liát hoān-choē-ê. ²⁵I ê kun-tiúⁿ, Lī-má-lī ê kiáⁿ Pí-ka poē-poān i, tī Sat-má-lī-a ông-kiong ê oē-só· phah i; A-jíⁿ-ko-pek kap A-lī-iā kap Kī-liát ê lāng gō·cháp-ê kap i tâng-bô; thái-sí i, chhoàn i ê ūi. ²⁶Pí-ka-hat kí-û ê sū, kìⁿ i

só· kiâⁿ ê, lóng kì tī Í-sek-liát chiah ê ông ê kì-liók.

²⁷Iû-tāi ông A-sat-lī-ngá gō·cháp-jī nî, Lī-má-lī ê kiáⁿ Pí-ka tī Sat-má-lī-a chē-ūi, choē Í-sek-liát ông, kiōng jī-cháp nî. ²⁸I kiâⁿ Iâ-hô-hoa só· khoàⁿ-choè pháiⁿ ê sū, bô lī-khui Nī-pat ê kiáⁿ Iâ-lô-phò-àm ê choē, chiū-sī hō· Í-sek-liát hoān-choē--ê. ²⁹Í-sek-liát ông Pí-ka ê sī, A-sút ông Thê-kek-láh-pí-liát-sek lâi chhú Í-hūn, A-pek-pek-má-ka, A-lô, Kì-te-su, Hā-só, Kì-liát, Ka-lī-lī, kap Ná-hut-tha-lī choān-toē; lóng liáh in kàu A-sút. ³⁰O·se-ngá ê kiáⁿ Iok-thán jī-cháp nî, Í-láh ê kiáⁿ Hô-sè-a poē-poān Lī-má-lī ê kiáⁿ Pí-ka, phah lâi thài-sí i, chhoàn i ê ūi. ³¹Pí-ka kī-û ê sū, kìⁿ i só· kiâⁿ ê, lóng kì tī Í-sek-liát chiah ê ông ê kì-liók.

³²Í-sek-liát ông Lī-má-lī ê kiáⁿ Pí-ka tē-jī nî, Iû-tāi ông O·se-ngá ê kiáⁿ Iok-thán chē-ūi. ³³I chē-ūi ê sī, jī-cháp-gō· hē, tī Iâ-lō·sat-léng choē-ông chap-lák nî; i ê lâu-bú miá kiò Iâ-lō·sa, sī Sat-tok ê cha-bó·-kiáⁿ. ³⁴I kiâⁿ Iâ-hô-hoa só· khoàⁿ-choè hó ê sū; chiàu i ê lâu-pē O·se-ngá it-chhè só· kiâⁿ ê khi kiâⁿ. ³⁵Chòng-sī soaⁿ-thâu-toāⁿ iáu bô hoē-bô, peh-siⁿ iû-goān hiàn-chè sio-hiūⁿ tī soaⁿ-thâu-toāⁿ. Iok-thán khí Iâ-hô-hoa tiān téng-bīn ê mng. ³⁶Iok-thán kī-û ê sū, kìⁿ i só· kiâⁿ ê, kiám bô lóng kì tī Iû-tāi liát-ông ê kì-liók mah? ³⁷Hit-sī Iâ-hô-hoa khí-thâu chhe A-lân ông Lī-sìn kap Lī-má-lī ê kiáⁿ Pí-ka khi kong-kek Iû-tāi. ³⁸Iok-thán kap i ê liát-chó· tâng-khùn, kap i ê liát-chó· chòng tī i ê chó· Tāi-pít ê siāⁿ. I ê kiáⁿ A-hap-su soà-chiap i choē-ông.

16 Lī-má-lī ê kiáⁿ Pí-ka chap-chhit nî, Iû-tāi ông Iok-thán ê kiáⁿ A-hap-su chē-ūi. ²A-hap-su chē-ūi ê sī, jī-cháp hē, tī Iâ-lō·sat-léng choē-ông chap-lák nî; bô chhin-chhiūⁿ i

ê chó· Tāi-pít kiâⁿ Iâ-hô-hoa i ê Siōng-tè só· khoàⁿ-choè hó ê sū. ³Chiū-sī kiâⁿ Í-sek-liát chiah ê ông ê lô·, koh hō· i ê kiáⁿ keng-kè hé, chiàu Iâ-hô-hoa tui Í-sek-liát lāng ê bīn-chēng koáⁿ-chhut goā-pang lāng só· kiâⁿ khó·-òⁿ ê sū. ⁴Koh tī soaⁿ-thâu-toāⁿ, tī soaⁿ ê téng-bīn, tī ták chāng chhiⁿ-chhiūⁿ ê chhiū-kha, hiàn-chè sio-hiūⁿ.

⁵Hit-sī A-lân ông Lī-sìn kap Í-sek-liát ông Lī-má-lī ê kiáⁿ Pí-ka chiūⁿ-lāi kong-kek Iâ-lō·sat-léng, ūi-khùn A-hap-su; chòng-sī boē iāⁿ i. ⁶Tng-sī A-lân ông Lī-sìn siu-hoē Í-láh-tha hō· A-lân; chiū koáⁿ Iû-tāi lāng chhut Í-láh-tha. A-lân lāng chiū lâi Í-láh-tha, khiā-khí hia, kàu kin-á-jít. ⁷A-hap-su chhe sū-chiá khi kìⁿ A-sút ông Thê-kek-láh-pí-liát-sek, kóng, Goá sī lí ê lô·pók, lí ê kiáⁿ; taⁿ A-lân ông kap Í-sek-liát ông kong-kek goá; kiū lí chiūⁿ lâi kiū goá thoat-lī in ê chhiū. ⁸A-hap-su chiong Iâ-hô-hoa tiān-lāi kap ông-kiong hú-khò· só· ū ê kim gūn, choē lé-mih sàng hō· A-sút ông. ⁹A-sút ông thiaⁿ i; A-sút ông chiū chiūⁿ-khi kong-kek Tāi-má-sek, chhú i, liáh i ê peh-siⁿ kàu Kiat-jíⁿ, thài-sí Lī-sìn.

¹⁰A-hap-su ông khi Tāi-má-sek beh ngiā-chih A-sút ông Thê-kek-láh-pí-liát-sek; tī Tāi-má-sek khoàⁿ-kìⁿ chít chō toāⁿ. A-hap-su ông chiong hit ê toāⁿ ê khoán-sit, kui-bô·, chē-tō·, kià hō· chē-si O·lī-a. ¹¹Chē-si O·lī-a chiū khí chít chō toāⁿ; chiàu A-hap-su ông tui Tāi-má-sek só· kià-lāi it-chhè ê tô·, chiàu án-ni chē-si O·lī-a chō i; theng-hāu A-hap-su ông tui Tāi-má-sek lâi. ¹²Ông tui Tāi-má-sek tò-lāi; ông khoàⁿ-kìⁿ toāⁿ, ông kūn-oá toāⁿ; hiàn-chè tī hí téng-bīn. ¹³Sio i ê sio-chè, kap sò·-chè, koh koān-tiān, chiong siā-un-chè ê huìh hiū tī toāⁿ--nih. ¹⁴Koh chiong Iâ-hô-hoa thâu-chēng ê tâng-toāⁿ, tui tiān ê thâu-

chêng, chiū-sī tùi i ê toāⁿ kap Iâ-hô-hoa tiān ê tióng-kan, soá--lâi hē tī i ê toāⁿ ê pak--sì.
¹⁵A-hap-su ông bēng-lēng chè-si O·lī-a kóng, Chá-khí sī ê sio-chè, ê-hng sī ê sò·chè, ông ê sio-chè sò·chè, kok-lâi chēng peh-siⁿ ê sio-chè sò·chè kap koàn-tiān, lóng tiōh sio tī toā-toāⁿ ê téng-bīn; sio-chè kap chè-sū ê huìh iā tiōh hiū tī chit ê toāⁿ-téng. Chóng-sī tâng-toāⁿ goá beh choè m̄ng ê lō·ēng.
¹⁶Chè-si O·lī-a chiū chiàu A-hap-su ông só· bēng-lēng-ê khi kiāⁿ.
¹⁷A-hap-su ông chhò-tng hiah ê chō ê kīⁿ, chiong phún tùi hiah ê chō soá--lôh-lâi; koh chiong tâng-hái tùi chàl hái ê tâng-gū-téng poaⁿ--lôh-lâi, hē tī pho·hoe-chiōh ê só·chāi.
¹⁸Koh in-ūi A-sút ông ê iân-kò, chiong tiān-lâi ūi-tiōh an-hioh-jit só· khí ê lông, kap ông tùi goā-bīn jip-lâi ê lông, tùi Iâ-hô-hoa ê tiān i-soá.
¹⁹A-hap-su kī-ū só· kiāⁿ ê sū, kiám bô lóng kì tī Iū-tāi liat-ông ê kì-liók mah?
²⁰A-hap-su kap i ê liat-chó· tâng-khùn, kap i ê liat-chó· chòng tī Tāi-pit ê siāⁿ. I ê kiánⁿ Hi-se-ka soà-chiap i choè ông.

17 Iū-tāi ông A-hap-sū chap-jī nī, Í-lâh ê kiáⁿ Hô-sè-a tī Sat-má-lī-a chē-ūi, choè Í-sek-liat ông kiōng káu nī. ²I kiāⁿ Iâ-hô-hoa só· khoàⁿ-choè pháiⁿ ê sū, chóng-sī bô chhin-chhiūⁿ i í-chēng ê Í-sek-liat chiaⁿ ê ông. ³A-sút ông Sat-bān-í-sek chiūⁿ-lâi kong-kek i. Hô-sè-a chiū hāng-hók i, chìn-kòng i. ⁴A-sút ông chai Hô-sè-a ū kè-bô poē-poān, in-ūi i bat chhe sù-chiá khi kìⁿ Ai-klip ông So, koh bô chìn-kòng A-sút ông, chhin-chhiūⁿ í-chēng nī-nī ê só· choè; só·-í A-sút ông koaiⁿ-kìm--i, pák i tī kaⁿ--nih. ⁵A-sút ông chiūⁿ-lâi piàn-kiāⁿ hit ê toē, koh chiūⁿ-lâi ūi-kong Sat-má-lī-a saⁿ-nī kú. ⁶Hô-sè-a tē-káu nī A-sút ông chhú Sat-má-lī-a, liáh Í-sek-liat lāng kàu A-sút, an-tì in tī Hap-lâh, kap Hap-phok, tī

Ko-sàn hô-piⁿ-ê kap Má-tāi lāng hiah ê siāⁿ.
⁷Che sī in-ūi Í-sek-liat lāng tek-choē Iâ-hô-hoa in ê Siōng-tè, chiū-sī chhoā in chhut Ai-klip toē, thoat-lī Ai-klip ông Hoat-ló ê chhiú ê; ⁸in khi kēng-ūi pát ê siōng-tè, thàn Iâ-hô-hoa tī Í-sek-liat ê thâu-chēng só· koáⁿ-chhut ê goā-pang lāng, kap Í-sek-liat liat-ông só· siat ê kui-lē.
⁹Í-sek-liat lāng àm-chīⁿ kiāⁿ put-gī ê sū, tek-choē Iâ-hô-hoa in ê Siōng-tè, tī in hiah ê siāⁿ, tùi chiú-kiⁿ-lâu kàu kian-kò· ê siāⁿ, khí soaⁿ-thâu-toāⁿ.
¹⁰Tī ták ê koaiⁿ-soaⁿ ê téng-bīn, ták chāng chhiⁿ-chhiūⁿ ê chhiū-kha, khiā thiāu-siōng, kap hiah ê A-sià-lâh;
¹¹koh tī-hia sio-hiūⁿ tī ták ê soaⁿ-thâu-toāⁿ, chhin-chhiūⁿ Iâ-hô-hoa tī in ê thâu-chēng só· koáⁿ-chhut ê goā-pang lāng ê só· kiāⁿ; koh kiāⁿ hiah ê pháiⁿ-tāi lāi kek Iâ-hô-hoa ê siū-khi.
¹²Koh hók-sāi ngó·siōng, chiū-sī Iâ-hô-hoa só· hoan-hù in kóng, M̄-thang án-ni choè-ê.
¹³Chóng-sī Iâ-hô-hoa thok chēng sian-ti kap sian-kiān--ê, tùi Í-sek-liat kap Iū-tāi choè kan-chēng, kóng, Tiōh lī-khui lín ê pháiⁿ só· kiāⁿ, chip-siú Goá ê kài-bēng, lút-lē, chiàu Goá hoan-hù lín ê liat-chó·, kap thok Goá ê lô·pók chēng sian-ti só· thoān hō· lín oân-choān ê lút-hoat.
¹⁴Chóng-sī in m̄-thiaⁿ, ngī in ê ām-kún, chhin-chhiūⁿ in ê liat-chó· ngī in ê ām-kún, m̄ sìn-hók Iâ-hô-hoa in ê Siōng-tè ê.
¹⁵In iā khi-sak I ê lút-lē, í-klip I kap in ê liat-chó· só· līp ê iok, kap tùi in só· kan-chēng ê kan-chēng, thàn hu-ké, lâi ka-kī choè hu-ké, óh chiu-ūi ê goā-pang lāng; hiah ê lāng chiū-sī Iâ-hô-hoa bat bēng-lēng in m̄-thang óh in ê só·-kiāⁿ-ê.
¹⁶In lī-khui Iâ-hô-hoa in ê Siōng-tè it-chhè ê kài-bēng, ūi pún-sin chù-siōng, chiū-sī nng-chiah gū-á, choè A-sià-lâh, kēng-pài thiⁿ-téng ê bān-siōng, hók-sāi Palèk.
¹⁷Koh hō· in ê kiánⁿ cha-bó·-kiāⁿ keng-kè

hé, iā ēng chiam-pok, siā-sút, boē ka-kī kiāⁿ Iā-hô-hoa só· khoàⁿ-choē pháiⁿ ê sū, kek I ê siū-khi. ¹⁸Só·-í Iā-hô-hoa toā siū-khi Í-sek-liát lāng, koáⁿ in lī-khui I ê bīn-chēng; tók-tók chhun Iū-tāi chít chī-phài nā-tiāⁿ.

¹⁹Iū-tāi iā bô thàn Iā-hô-hoa in ê Siōng-tè ê kài-bēng, chiū-sī thàn Í-sek-liát só· līp ê kui-lē. ²⁰Iā-hô-hoa khi-sak Í-sek-liát ê chēng hō·-è, khó·-chhó· in, chiong in kau tī chhiúⁿ-liáh in ê lāng ê chhiú, kàu-bé koáⁿ-chhut in lī-khui I ê bīn-chēng. ²¹In-ūi thiah Í-sek-liát lī-khui Tāi-pit ê ke; in chiū siat-līp Nī-pat ê kiáⁿ Iā-lô-phò-àm choē ông. Iā-lô-phò-àm pek Í-sek-liát hō· in bô thàn Iā-hô-hoa, hō· in kan-hoan toā-choē. ²²Í-sek-liát lāng kiáⁿ Iā-lô-phò-àm só· hoan it-chhè ê choē, bô lī-khui i. ²³Tī-kàu Iā-hô-hoa chhian-soá Í-sek-liát lī-khui I ê bīn-chēng, chiàu I thok I ê lô·pók chēng sian-ti só· kóng ê; án-ni Í-sek-liát siū-liáh lī-khui pún-toē kàu A-sút, kàu kin-á-jit.

²⁴A-sút ông tù Pa-pí-lūn, Kó·tha, A-oá, Hap-má, kap Se-hoat-oá-im, î-soá lāng lāi Sat-má-lī-a, an-ti in tī hiah ê siāⁿ, thoē Í-sek-liát lāng; in chiū tit-tiōh Sat-má-lī-a, lāi khiā-khi hiah ê siāⁿ. ²⁵In khi-thâu khiā-khi tī-hia ê sī, bô keng-ùi Iā-hô-hoa; só·-í Iā-hô-hoa hō· sai jip in tiong-kan, kā-sí kúi-nā lāng. ²⁶Ū lāng pò A-sút ông kóng, Lí só· î-soá an-ti tī Sat-má-lī-a hiah ê siāⁿ ê liát-pang lāng, m̄-chai hit só·-chāi ê Siōng-tè ê kui-lē, só·-í I hō· sai jip lāi in tiong-kan, kā-sí in, in-ūi in m̄-chai hit só·-chāi ê Siōng-tè ê kui-lē. ²⁷A-sút ông chiū bēng-lēng kóng, Tūi hia liáh-lāi ê chē-si, thang hō· in chít-ê tò-khi, hō· i toà hia khiā-khi, ēng hit só·-chāi ê Siōng-tè ê kui-lē kà-sī in. ²⁸Tūi án-ni hiah ê tūi Sat-má-lī-a só· liáh-khi ê chē-si, chít-ê tò-lāi, khiā-khi tī Pek-ték-lī, kà-sī in tiōh cháiⁿ-iūⁿ keng-ùi Iā-

hō-hoa. ²⁹Chóng-sī ták pang-kok ê lāng chō in ka-kī ê siōng-tè; ták-kok ê lāng tī in só· khiā-khi hiah ê siāⁿ an-ti i ê siōng tī Sat-má-lī-a lāng chēng só· chō ê soaⁿ-thâu-biō.

³⁰Pa-pí-lūn lāng chō So·kat-pí-láp, Kó·tha lāng chō Lék-kah, Hap-má lāng chō A-sī-má;

³¹A-oá lāng chō Lék-hap kap Tha-jīⁿ-tha, Se-hoat-oá-im lāng ēng hé sio kiáⁿ-jī, hiàn hō· Se-hoat-oá-im ê siōng-tè A-tek-bí-lék kap A-ná-bí-lék. ³²In án-ni keng-ùi Iā-hô-hoa, tūi chēng-lāng tiong siat-līp lāng choē soaⁿ-thâu-toāⁿ ê chē-si, thoē in hiàn-chē tī soaⁿ-thâu-biō.

³³In keng-ùi Iā-hô-hoa, koh hók-sāi ka-kī ê siōng-tè; tūi sím-mih kok soá-lāi, chiū thàn hit kok ê kui-lē. ³⁴In kàu kin-á-jit iáu-kú chiàu chēng ê hong-siók khi kiáⁿ, bô keng-ùi Iā-hô-hoa, bô chun-thàn in ê lūt-lē, kap in ê kui-lē, iā bô chiàu Iā-hô-hoa bēng-lēng Ngá-kok hō·-è ê lūt-hoat kài-bēng; Ngá-kok chiū-sī I só· chheng choē Í-sek-liát ê.

³⁵Iā-hô-hoa bat kap in līp-iok, hoan-hù in kóng, M̄-thang keng-ùi pát ê siōng-tè, m̄-thang kúi-pài, m̄-thang hók-sāi i, m̄-thang chē-hiàn i. ³⁶Tók-tók hit-ê ēng toā koan-lēng kap chhun-chhut ê chhiú-kut chhoā lín chhut Ai-kíp toē ê Iā-hô-hoa, lín tiōh keng-ùi I, kúi-pài I, chē-hiàn I. ³⁷I siá hō· lín ê lūt-lē, lé-gī, lūt-hoat, kài-bēng, lín eng-kai éng-oán chip-siú chun-thàn; m̄-thang keng-ùi pát ê siōng-tè. ³⁸Goá kap lín só· līp ê iok, lín m̄-thang boē kì-tit, iā m̄-thang keng-ùi pát ê siōng-tè. ³⁹Tók-tók tiōh keng-ùi Iā-hô-hoa lín ê Siōng-tè, I beh kiù lín thoat-lī lín it-chhè tūi-ték ê chhiú.

⁴⁰Chóng-sī in m̄-thiaⁿ-thàn, iū-goan chiàu chēng ê hong-siók khi kiáⁿ. ⁴¹Án-ni chiah ê liát-kok iā keng-ùi Iā-hô-hoa, iā hók-sāi in ê ngó·siōng; in ê kiáⁿ, in ê sun, iā lóng sī án-ni; in ê chó·kong só· kiáⁿ ê, kàu kin-á-jit in iā kiáⁿ i.

18 Tng Í-sek-liát ông Í-láh ê kiáⁿ Hô-sè-a saⁿ nî, Iû-tâi ông A-hap-su ê kiáⁿ Hi-se-ka chē-ūi. ²I chē-ūi ê sî, jī-cháp-gō· hē; tī Iâ-lō·sat-léng choē ông, kiōng jī-cháp-káu nî; i ê lâu-bú miâ kiò A-pí, sī Sat-ka-lī-ngá ê cha-bó·kiáⁿ. ³I kiáⁿ Iâ-hô-hoa só· khoàⁿ-choē hó ê sū, chiàu i ê chók· Tāi-pít it-chhè só· kiáⁿ ê. ⁴I hoē-bô soaⁿ-thâu-toāⁿ, húi-hoāi thiāu-siōng, chhò A-sià-láh, phah-chhùi Mô·se só· chō ê tăng-choā; in-ūi kàu hit-sī Í-sek-liát lāng tui i sio-hiaⁿ; kiò i choē Nî-hut-si-tàn. ⁵I óa-khò Iâ-hô-hoa Í-sek-liát ê Siōng-tè; tī i í-āu Iû-tâi liát-ông tiong bô chit-ê oē pí-tit i, i í-chêng iā bô. ⁶In-ūi i kiát-liân tī Iâ-hô-hoa, tè I bô lī-khui, chip-siú Iâ-hô-hoa só· bēng-lēng Mô·se ê kài-bēng. ⁷Iâ-hô-hoa kap i tī-teh, i bô-lūn khi toh-lóh, it-chhīn heng-thong; i poē-poān A-sút ông, bô hók-sāi i. ⁸I kong-kek Hui-lī-sū lāng, tit-kàu Ka-sat, kap i ê keng-kài, tui chiú·kiⁿ-lâu kàu kian-kò· ê siāⁿ.

⁹Hi-se-ka ông tē-si nî, chiū-sī Í-sek-liát ông Í-láh ê kiáⁿ Hô-sè-a tē-chhit nî, A-sút ông Sat-bān-í-sek chiūⁿ-lâi kong-kek Sat-má-lī-a, ūi-khùn i. ¹⁰Kàu tē-saⁿ nî bé chiū chhú i; Hi-se-ka lák-nî, Í-sek-liát ông Hô-sè-a káu-nî, Sat-má-lī-a hō· i chhú--kkhì. ¹¹A-sút ông liáh Í-sek-liát lāng kàu A-sút, an-tì in tī Hap-láh, kap Hap-phok, tī Ko-sàn hô-piⁿ-ê, kap Má-tāi lāng hiah ê siāⁿ. ¹²In-ūi in m̄ thiaⁿ-thàn Iâ-hô-hoa in ê Siōng-tè ê oē, ūi-poē I ê iok; kìⁿ Iâ-hô-hoa ê lô·pók Mô·se só· bēng-lēng ê, in m̄-thiaⁿ, m̄-siú i.

¹³Hi-se-ka ông cháp-si nî, A-sút ông Se-ná-ki-líp chiūⁿ lâi kong-kek Iû-tâi it-chhè kian-kò· ê siāⁿ, chhú i. ¹⁴Iû-tâi ông Hi-se-ka chhe lāng khi Láh-kiat, kìⁿ A-sút ông, kóng, Goá ū-choē lah, kiū lí lī-khui goá; kìⁿ lí hoát goá ê, goá beh tam-tng. Tui án-ni A-sút ông phải

Iû-tâi ông Hi-se-ka gūn saⁿ-pah tha-liân-tek, kim saⁿ-cháp tha-liân-tek. ¹⁵Hi-se-ka chiū chiong Iâ-hô-hoa tiān-lāi, kap ông-kiong hú-khò· só· ū ê gūn, lóng hō· i. ¹⁶Hit-sī Hi-se-ka pak Iâ-hô-hoa tiān-m̄ng ê kim, kap Iû-tâi ông Hi-se-ka an tī thiāu--nih hiah ê kim, hō· A-sút ông.

¹⁷A-sút ông tui Láh-kiat chhe Tha-jm̄-thām, Láh-pek-sat-lī, kap Láh-pek-sa-ki, chhoā toā-tui peng khi Iâ-lō·sat-léng, Hi-se-ka ông hia; in chiūⁿ-khi kàu Iâ-lō·sat-léng. Í-keng kàu, chiū lâi khiā tī téng-tī ê chúi-kau-piⁿ, chiū-sī tī phiò-pò· sai-hū ê chhân ê toā-lō·. ¹⁸In âu-kiò ông ê sî, chiū ū koán-ke ê Hi-lék-ka ê kiáⁿ Í-lī-a-keng, kap su-kì Sià-pek-ná, kap sú-koaⁿ A-sat ê kiáⁿ Iok-a, chhut-lâi kìⁿ in. ¹⁹Láh-pek-sa-ki tui in kóng, Lín khi kā Hi-se-ka kóng, A-sút ông, tui-ông, án-ni kóng, Lí só· óa-khò ê sī óa-khò sím-mih? ²⁰Lí kóng, Ū kè-bô·; ū khui-lát, thang kau-chiàn; che sī khang-khang ê oē nā-tiāⁿ. Lí tàu-tí óa-khò chī-chui, chiah poē-poān goá ah? ²¹Khoàⁿ ah, lí só· óa-khò ê Ai-kíp, sī hit ê pit-phoá ê lô·tek-koáiⁿ; lāng nā oà i, chiū oē chhiah-jlp i ê chhiú; Ai-kíp ông Hoat-ló tui it-chhè óa-khò i ê lāng, iā sī án-ni. ²²Lín nā kā goá kóng, Goán óa-khò Iâ-hô-hoa goán ê Siōng-tè; chit ê Iâ-hô-hoa kiám m̄-sī Hi-se-ka bat hoē I ê soaⁿ-thâu-toāⁿ, kap I hiah ê chē-toāⁿ; iā bat tui Iû-tâi kap Iâ-lō·sat-léng ê lāng kóng, Lín tiòh tī Iâ-lō·sat-léng, tī chit ê toāⁿ-chêng keng-pài ê mah? ²³Taⁿ chhiáⁿ lí ēng chún-tng hō· goá ê chú A-sút ông, goá hō· lí nng-chheng chiah bé, khoàⁿ lí hit-bīn oē pī-pān lāng khiā i á-boē; ²⁴nā boē, thái-thó oē phah-thè goá ê chú chiah-ê tē-it soē ê lô·pók-tiong chit ê kun-tiúⁿ, iā keng-jiān óa-khò Ai-kíp, ài tit-tiòh chiàn-chhia kap bé-peng ah? ²⁵Taⁿ goá

chiūⁿ lâi kong-kek húi-biát chit ê toē, kiám bô Iâ-hô-hoa ê ì-sù mah? Iâ-hô-hoa hoan-hù goá kóng, Lí chiūⁿ-khì kong-kek húi-biát chit ê toē.

²⁶Hi-lék-ka ê kiáⁿ Í-lī-a-kèng, kap Sià-pek-ná, Iok-a, tùi Lâh-pek-sa-ki kóng, Kiū lí ēng A-lân ê oē kap lí ê lô-pók kóng, in-ūi goán oē hiáu thiaⁿ, m̄-thang ēng Iû-tāi ê oē kap goán kóng, hō· siāⁿ-tég ê peh-sìⁿ hī-khang thiaⁿ-kìⁿ. ²⁷Lâh-pek-sa-ki kóng, Goá ê chú chhe goá lâi, kiám sī tùi lí ê chú kap lí kóng chiah ê oē mah? kiám m̄-sī tùi chē tī siāⁿ-tég ê lāng kóng, hō· in kap lín pīⁿ-pīⁿ chiáh ka-kī ê pùn, lim ka-kī ê jiō mah? ²⁸Lâh-pek-sa-ki chiū khiā-teh, ēng Iû-tāi ê oē toā-siaⁿ kiò kóng, Lín tiòh thiaⁿ A-sút ông, tãi-ông ê oē. ²⁹Ông án-ni kóng, Lín m̄-thang hō· Hi-se-ka só· phiàn; in-ūi i boē-oē kiù lín thoat-lī ông ê chhiú. ³⁰Iā bôh-tit thiaⁿ Hi-se-ka kah lín oá-khò Iâ-hô-hoa, kóng, Iâ-hô-hoa tek-khak beh kiù lán, chit ê siāⁿ tek-khak bô kau tī A-sút ông ê chhiú. ³¹Bôh-tit thiaⁿ Hi-se-ka ê oē; in-ūi A-sút ông án-ni kóng, Lín tiòh kap goá hô-hó, chhut-lâi tâu-hâng goá, ták-lāng chiū thang chiáh ka-kī ê phû-tô-chhiū kap bû-hoa-kó chhiū ê ké-chí, lim ka-kī ê chí^m-chúi; ³²thêng-hāu goá chhoā lín kau chit ê toē kap lín pún-toē bô koh-iūⁿ, chiū-sī ū gō·kak kap sin-chiú ê toē, ū bí-niū kap phû-tô-hng ê toē, ū kaⁿ-ná-iū kap bít ê toē, hō· lín oáh-teh bô sí. Hi-se-ka ín-iú lín kóng, Iâ-hô-hoa beh chín-kiù lán, lín bôh-tit thiaⁿ i ê oē. ³³Liát-kok ê siōng-tè, kiám ū chit-ê bat kiù i ê kok thoat-lī A-sút ông ê chhiú mah? ³⁴Hap-má kap A-jí^m-poát ê siōng-tè tī toh-lóh ah? Se-hoat-oá-im, Hi-ná, Í-oá ê siōng-tè tī toh-lóh ah? in kiám bat kiù Sat-má-lí-a thoat-lī goá ê chhiú mah? ³⁵Chiah ê kok ê siōng-tè ū chī-chui bat kiù

ka-kī ê kok thoat-lī goá ê chhiú ah, bôh-kiòh Iâ-hô-hoa kiám oē kiù Iâ-lō·sat-léng thoat-lī goá ê chhiú ah? ³⁶Peh-sìⁿ chēng-chēng, iā bô ìn chit-kù; in-ūi ông bat hoan-hù kóng, Bôh-tit ìn i. ³⁷Hit-sī Hi-lék-ka ê kiáⁿ koán-ke ê Í-lī-a-kèng, kap su-kì Sià-pek-ná, kap sú-koaⁿ A-sat ê kiáⁿ Iok-a, lóng thiah-lh saⁿ, lâi kau Hi-se-ka hia, chiong Lâh-pek-sa-ki ê oē ká i kóng.

19 Hi-se-ka ông thiaⁿ-kìⁿ, chiū thiah-lh i ê saⁿ, chhēng moa-pò·, jíp Iâ-hô-hoa ê tiān; ²chhe koán-ke ê Í-lī-a-kèng, kap su-kì Sià-pek-ná, kap chē-si tiong ê lô-poè-ê lóng chhēng moa-pò·, khì kìⁿ A-mô·su ê kiáⁿ sian-ti Í-sài-a. ³Tùi i kóng, Hi-se-ka án-ni kóng, Kín-á-jit sī hoān-lān chek-hoat lēng-jíok ê jít; sī chhin-chhiūⁿ kiáⁿ beh chhut-sì, iā bô lát thang siⁿ-chhut. ⁴Kiám-chhái Iâ-hô-hoa lí ê Siōng-tè thiaⁿ kìⁿ Lâh-pek-sa-ki ê oē, chiū-sī i ê chú A-sút ông chhe i lâi bú-bān éng-oáh Siōng-tè ê oē; kiám-chhái Iâ-hô-hoa lí ê Siōng-tè ūi-tiòh thiaⁿ-kìⁿ chiah ê oē, chiū beh chek-pī i; só·-í kiū lí ūi-tiòh iáu chhun ê peh-sìⁿ chhut-siaⁿ kī-tó. ⁵Hi-se-ka ông ê jìn-sín chiū khì kìⁿ Í-sài-a. ⁶Í-sài-a tùi in kóng, Tiòh án-ni tùi lín ê chú kóng, Iâ-hô-hoa án-ni kóng, Lí thiaⁿ-kìⁿ A-sút ông ê lô-pók siat-tók Goá ê oē, m̄-bián kiaⁿ in. ⁷Khoàⁿ ah, Goá beh ēng chit ê sîn jíp i ê sim, i beh thiaⁿ-kìⁿ hong-siaⁿ, chiū tò-túg-khì pún só·-chāi; Goá beh hō· i tī pún só·-chāi tó tī to-ē.

⁸Lâh-pek-sa-ki tò-khì, tú-tiòh A-sút ông teh phah Líp-ná; in-ūi i ū thiaⁿ-kìⁿ A-sút ông lī-khui Lâh-kiat. ⁹Ông thiaⁿ-kìⁿ kóng, Kó·sít ông Ték-hap-ka chhut-lâi beh kap lí kau-chiàn; chiū chhe sù-chiá khì kìⁿ Hi-se-ka, hoan-hù in kóng, Tiòh ká Iû-tāi ông Hi-se-ka án-ni kóng, Lí só· oá-khò lí ê Siōng-tè kóng,

Iâ-lō·sat-léng tek-khak bô kau tī A-sút ông ê chhiú, lí bôh-tit hō· I khi-phian. ¹¹Khoàⁿ ah, lí chóng ū thiaⁿ-kìⁿ A-sút chiaⁿ ê ông tui liat-kok só·kiâⁿ-ê, sī it-chīm biat i, chóng bô lí iáu oē tit-tiòh kiù mah? ¹²Goán ê liat-chó· só· húi-biat-ê, chiū-sī Ko-sàn, Hap-lân, Lī-sek, kap siók Thê-lâh-sat ê Ai-tiân lêng, chiaⁿ ê kok ê siōng-tè kiám bat kiù in mah? ¹³Hap-má ê ông, A-jíⁿ-poat ê ông, Se-hoat-oá-im siâⁿ ê ông, Hi-ná kap Í-oá ê ông, lóng tī toh-lôh?

¹⁴Hi-se-ka tui sù-chiá ê chhiú chih-tiòh phoe, thak i, Hi-se-ka chiū chiūⁿ-khì Iâ-hô-hoa ê tiân, chiong phoe pài tī Iâ-hô-hoa ê bīn-chêng. ¹⁵Hi-se-ka tī Iâ-hô-hoa ê bīn-chêng kī-tó kóng, Chē tī ki-lō·peng ê tiong-kan, Iâ-hô-hoa, Í-sek-liat ê Siōng-tè ah, tók-tók Lí choē thiⁿ-ē bân-kok ê Siōng-tè; Lí bat chhòng-chō thiⁿ toē. ¹⁶Iâ-hô-hoa ah, kiū Lí àⁿ hī-khang lâi thiaⁿ; Iâ-hô-hoa ah, kiū Lí khui bák-chiu lâi khoàⁿ; tiòh thiaⁿ Se-ná-ki-líp ê oē, sī chhe sù-chiá lâi bú-bân éng-oah ê Siōng-tè ê. ¹⁷Iâ-hô-hoa ah, A-sút chiaⁿ ê ông kó-jian hō· liat-kok kap in ê toē pīⁿ choē pha-hng, iā chiong in ê siōng-tè hiat tī hé-nih, in-ūi in m̄-sī Siōng-tè, sī lêng ê chhiú só· chō--ê, chhâ--ê, chhih--ê; in chiū châu-biat i. ¹⁹Iâ-hô-hoa goán ê Siōng-tè ah, taⁿ goá kiū Lí kiù goán thoat-lī i ê chhiú, hō· thiⁿ-ē bân-kok lóng chai tók-tók Lí Iâ-hô-hoa sī Siōng-tè.

²⁰A-mô·su ê kiáⁿ Í-sài-a chiū chhe lêng khì kìⁿ Hi-se-ka kóng, Iâ-hô-hoa, Í-sek-liat ê Siōng-tè, án-ni kóng, Lí kì-jian in-ūi A-sút ông Se-ná-ki-líp ê iân-kò· kī-kiū Goá, Goá ū thiaⁿ-kìⁿ. ²¹Taⁿ lūn-kàu i, Iâ-hô-hoa ū án-ni kóng, Sek-an ê chāi-sek-lú biáu-sī lí, thí-chhiò lí, Iâ-lō·sat-léng ê cha-bó·gín-ná tui lí iô-thâu. ²²Lí lêng-jiók bú-bân chī-chui

ah? chhut toā-siaⁿ, bák-chiu niah koāiⁿ-koāiⁿ, kong-kek chī-chui ah? chiū-sī kong-kek Í-sek-liat ê Sèng--ê. ²³Lí chhe lí ê sù-chiá bú-bân Chú, kóng, Goá chhoā choē-choē chiàn-chhia chiūⁿ kàu soaⁿ-chiam, kàu Lī-pa-lūn kék-chhim ê só·chāi; goá beh chhò hit tè koāiⁿ-toā ê pek-hiuⁿ-chhâ, kap siōng-hó ê siōng-chhiū; goá beh kàu i kék-hng hioh-khùn ê só·chāi, kap i pui-toē ê chhiū-nâ. ²⁴Goá ū khui-chī^m lim goā-pang ê chui, goá ēng kha-chiūⁿ táh Ai-kíp it-chhè ê hô, hō· i ta-khì. ²⁵Iâ-hô-hoa kóng, Lí kiám bē-bat thiaⁿ-kìⁿ, Goá tī goân-khí-thâu só· choē, tī kó·chá só· tiāⁿ-tiòh-ê mah? taⁿ Goá chiāⁿ i, sī hō· lí húi-hoāi kian-kò· ê siâⁿ, pīⁿ-choē hâu-phiaⁿ-phè. ²⁶Só·í kī-tiong khiā-khí ê peh-siⁿ, khui-lát chin-chiò, kiaⁿ-hiāⁿ kian-siàu; in chhin-chhiūⁿ khòng-iá ê chháu, chhiⁿ-chhiūi ê chhài, chhin-chhiūⁿ chhù-téng ê chháu, chhin-chhiūⁿ iáu-bē toā-châng chiū ko·tâ ê tiū-á. ²⁷Lí chē-lôh-khì, lí chhut-khì, lí jip-lâi, lí ê toā siū-khì Goá, Goá lóng chai. ²⁸In-ūi lí toā siū-khì Goá, koh in-ūi lí kiau-ngō· ê oē thàng kàu Goá ê hī-khang, Goá chiū beh ēng Goá ê kau, kau lí ê phīⁿ, ēng Goá ê bé-kā-kiuⁿ, koà tī lí ê chhiūi, hō· lí tui goân-lō· tò-khì. ²⁹Hi-se-ka ah, chit ê hō· lí choē tiāu-thâu; kin-nī lín beh chiaⁿ ka-kī hoat ê mih, mê-nī beh chiaⁿ tui hit-ê só· chhut ê, kàu tē-saⁿ nī, lín tiòh chêng-choh siu-koah, chai-chêng phū-tô-hng, lâi chiaⁿ i ê ké-chí. ³⁰Iū-tāi ke thoat-lī hoān-lân só· chhun ê peh-siⁿ, beh iū-goân ē-bīn tēng-kun, tēng-bīn kiát ké-chí. ³¹In-ūi beh ū chhun ê peh-siⁿ tui Iâ-lō·sat-léng chhut-lâi, beh ū tô-cháu ê lêng tui Sek-an soaⁿ lâi. Iâ-hô-hoa ê jiát-sim beh chiaⁿ chit ê sū. ³²Só·í Iâ-hô-hoa lūn A-sút ông kóng, I tek-khak boē kàu chit ê siâⁿ, iā boē tī chia siā-chiⁿ, boē-oē giā tīn-pài kàu

siâⁿ-chêng, iā boē khí thô·tui lâi kong-kek i. ³³I tùi hit tiâu lô·lâi, beh tùi hit tiâu lô·tò-khì, boē-oē lâi kàu chit ê siâⁿ; che sī Iâ-hô-hoa kóng ê. ³⁴In-ūi Goá ūi-tiòh ka-kī ê iân-kò·, koh ūi-tiòh Goá ê lô·pòk Tāi-pit ê iân-kò·, beh pò-hō· chit ê siâⁿ, lâi chín-kiù i.

³⁵Hit-mī Iâ-hô-hoa ê sù-chiá chhut-khì, tī A-sút iâⁿ-tiòng phah-sí chap-poeh-bān gō·chheng lāng; kàu thiⁿ-kng-chá khí-lâi ê sī, khoàⁿ ah, lóng sī sī ê sin-si. ³⁶A-sút ông Sená-ki-lip chiū lī-khui, tò-khì, tiàm tī Nī-nī-bī. ³⁷Tī i ê siōng-tè Nī-su-lók ê biō keng-pài ê sī, i ê kiáⁿ A-tek-bí-lèk kap Sa-lī-sek ēng to thāi i; in chiū cháu kàu A-lāh-liáp ê toē. I ê kiáⁿ Í-sat-hap-tùn soà-chiap i choē ông.

20 Hiah ê jīt ê tiòng-kan Hi-se-ka phoà-pīⁿ tit-beh sí. A-mô·su ê kiáⁿ sian-ti Í-sài-a, khi kīⁿ i, tùi i kóng, Iâ-hô-hoa án-ni kóng, Lí tiòh siat-hoat lí ê ke-sū, in-ūi lí tit-beh sí, boē oáh. ²I chiū oát-túg bīn òng-piah, kī-tó Iâ-hô-hoa kóng, ³Iâ-hô-hoa ah, kiū Lí kī-liām goá tī Lí ê bīn-chêng cháiⁿ-iūⁿ chūn oân-choân ê sim, chiàu sêng-sít lâi kiāⁿ; koh choē Lí só· khoàⁿ-choē hó-ê. Hi-se-ka chiū toā-siaⁿ thī-khàu. ⁴Í-sài-a chhut-khì, iáu-bē kàu tiòng-īⁿ, Iâ-hô-hoa ê oē chiū līm-kàu i kóng, ⁵Lí oat-tò-túg, ká Goá ê peh-siⁿ ê jīn-kun Hi-se-ka kóng, Lí ê chó· Tāi-pit ê Siōng-tè Iâ-hô-hoa án-ni kóng, Goá í-keng thiaⁿ-kīⁿ lí ê kī-tó, khoàⁿ-kīⁿ lí ê bák-sái; khoàⁿ ah, Goá beh i-hó lí; kàu tē-saⁿ jīt, lí beh chiūⁿ-khì Iâ-hô-hoa ê tiān. ⁶Goá beh ke-thiⁿ lí ê hē-siū chap-gō· nī; koh Goá beh kiū lí kap chit ê siâⁿ thoat-lī A-sút ông ê chhiú; Goá ūi-tiòh ka-kī ê iân-kò·, koh ūi-tiòh Goá ê lô·pòk Tāi-pit ê iân-kò·, beh pò-hō· chit ê siâⁿ. ⁷Í-sài-a kóng, Tiòh thēh chit-tè bû-hoa-kó-piáⁿ lâi; in chiū thēh-lâi, tah tī liáp-á; ông chiū hó.

⁸Hi-se-ka m̄ng Í-sài-a kóng, Iâ-hô-hoa beh i-hó goá, kàu tē-saⁿ jīt goá beh chiūⁿ-khì Iâ-hô-hoa ê tiān, ū sím-mih tiâu-thâu? ⁹Í-sài-a kóng, Iâ-hô-hoa beh chiáⁿ I só· kóng ê, che sī Iâ-hô-hoa beh hō· lí ê tiâu-thâu; lí beh jīt-iáⁿ chìn-chêng chap-tō·, á-sī thē-āu chap-tō· ah? ¹⁰Hi-se-ka in kóng, Jīt-iáⁿ chìn-chêng chap-tō· sī khah-khoài; bô--lah, tiòh jīt-iáⁿ thē-āu chap-tō·. ¹¹Sian-ti Í-sài-a kiū-kiò Iâ-hô-hoa, I chiū hō· A-hap-su ê jīt-kui chìn-chêng ê jīt-iáⁿ thē-āu chap-tō·.

¹²Tng-sī Pa-pí-lūn ông Pa-lāh-tàn ê kiáⁿ Pí-lô-tát-pa-lāh-tàn thiaⁿ-kīⁿ Hi-se-ka phoà-pīⁿ, chiū sang phoe-sin kap lé-mih hō· Hi-se-ka. ¹³Hi-se-ka thiaⁿ sù-chiá ê oē, chiū chiong i khng pò-mih ê chhù, kim, gūn, huiⁿ-liáu, kù-khì ê iū, kap i ê kun-chong-kék, kap hú-khò·-lāi it-chhè só·-ū-ê, lóng hō· in khoàⁿ; i ê ke-tiòng kap i choân-kok ê lāi-bīm, Hi-se-ka bô chit hāng bô hō· in khoàⁿ. ¹⁴Tùi án-ni sian-ti Í-sài-a lâi kīⁿ Hi-se-ka ông, m̄ng i kóng, Chiah ê lāng kóng sím-mih? in tùi toh-lóh lâi kīⁿ lí? Hi-se-ka kóng, In tùi hng-hng ê só·-chāi, chiū-sī tùi Pa-pí-lūn lâi. ¹⁵Í-sài-a kóng, In tī lí ê ke ū khoàⁿ-kīⁿ sím-mih? Hi-se-ka in kóng, Hoān-nā goá ke-tiòng só·-ū-ê in lóng ū khoàⁿ-kīⁿ; goá ê chái-pó ê tiòng-kan bô chit-hāng bô hō· in khoàⁿ-kīⁿ. ¹⁶Í-sài-a tùi Hi-se-ka kóng, Lí tiòh thiaⁿ Iâ-hô-hoa ê oē. ¹⁷Khoàⁿ ah, jīt-chí beh kàu, hoān-nā lí ke-lāi só·-ū-ê kap lí ê liat-chó· chek-chū kàu hiān-kim-ê, lóng beh siū-chhiúⁿ kàu Pa-pí-lūn, bô lâu chit-hāng; che sī Iâ-hô-hoa kóng ê. ¹⁸Koh tùi lí pún-sin só· siⁿ ê kiáⁿ-sun, kī-tiòng ū-ê beh siū liāh-khì, tī Pa-pí-lūn ê ông-kiong tng thài-kām. ¹⁹Hi-se-ka tùi Í-sài-a kóng, Lí só· thoān Iâ-hô-hoa ê oē sī hó; koh kóng, Goá iáu tī-teh ê jīt, nā ū thài-pêng kian-kò·, kiám m̄-sī hó? ²⁰Hi-

se-ka kî-û ê sū, kap i ê lêng-lék, i cháiⁿ-iūⁿ kút tî khui kau, ín chúi jíp siáⁿ, kiám bô lóng kì tī Iû-tāi liát-ông ê kì-liók mah? ²¹Hi-se-ka kap i ê liát-chó· tâng khùn. I ê kiáⁿ Má-ná-se soà-chiap i choè ông.

21 Má-ná-se chē-ūi ê sī cháp-jī hē; tī Iâ-lō·sat-léng choè ông kiōng gō·cháp-gō· nī. I ê lāu-bú miâ kiò Hiáp-se-pa. ²I kiâⁿ Iâ-hô-hoa só· khoàⁿ-choè pháiⁿ ê sū, òh goā-pang lāng só· kiâⁿ khó-òⁿ ê sū, chiū-sī Iâ-hô-hoa tī Í-sek-liát ê bīn-chēng só· koáⁿ-chhut--ê, ³In-ūi i ê lāu-pē Hi-se-ka só· húi ê soaⁿ-thâu-toāⁿ, i koh khí i; koh ūi Pa-lék khí toāⁿ, choè A-sià-láh, chiàu Í-sek-liát ông A-hap ê só· choè; koh kèng-pài thiⁿ-téng ê bān-siōng lāi hók-sāi i. ⁴Tī Iâ-hô-hoa ê tiān-lāi khí kúi-nā ê toāⁿ; Iâ-hô-hoa bat kí chit ê tiān, kóng, Goá beh an-tī Goá ê miâ tī Iâ-lō·sat-léng. ⁵I tī Iâ-hô-hoa ê tiān nng ê ìⁿ-lāi, ūi-tiōh thiⁿ-téng ê bān-siōng khí toāⁿ. ⁶Koh hō· i ê kiáⁿ keng-kè hé, koh ūi khoàⁿ tiāu-thâu, ēng hoat-sút, ēng thiàu-tāng--ê, chhiáⁿ sai-kong; kiáⁿ choē-choē Iâ-hô-hoa só· khoàⁿ-choè pháiⁿ ê sū, lāi kek I ê siū-khì. ⁷Koh tī tiān-lāi chhāi i só· chō A-sià-láh tiau-khek ê siōng; chit keng tiān chiū-sī Iâ-hô-hoa bat tui Tāi-pit kap i ê kiáⁿ Só·lô-būn kí i lāi kóng, Chit keng tiān, kap Iâ-lō·sat-léng, chiū-sī Goá tī Í-sek-liát chēng chi-phài tiong só· keng-ê. Goá beh an-tī Goá ê miâ tī-hia, kàu éng-oán. ⁸Í-sek-liát lāng nā chip-siú lāi kiáⁿ Goá it-chhè só· bēng-lēng in-ê, chiàu Goá ê lô·pók Mô·se só· bēng-lēng in it-chhè ê lút-hoat, Goá chiū bô koh hō· in ê kha i-soá, lī-khui Goá só· siúⁿ-sù in liát-chó· ê toē. ⁹Chóng-sī in bô thiaⁿ-thàn; Má-ná-se ín-iú in kiâⁿ pháiⁿ, pí Iâ-hô-hoa tī Í-sek-liát lāng ê bīn-chēng só· biát ê liát-kok koh-khah siong-tiōng.

¹⁰Iâ-hô-hoa thok I ê lô·pók, hiah ê sian-ti, kóng, ¹¹In-ūi Iû-tāi ông Má-ná-se kiáⁿ chiaⁿ ê khó-òⁿ ê sū, pí i í-chēng ê A-mô·lī lāng só· kiâⁿ-ê koh-khah pháiⁿ, koh ēng i ê ngó·siōng hō· Iû-tāi lāng hām-lóh choē, ¹²só·í Iâ-hô-hoa Í-sek-liát ê Siōng-tè án-ni kóng, Khoàⁿ ah, Goá beh kàng chai-ē tī Iâ-lō·sat-léng kap Iû-tāi, hō· it-chhè thiaⁿ-kìⁿ ê lāng nng ê hī-khang beh tiō--khí-lāi. ¹³Goá beh ēng niū Sat-má-lī-a ê chin-soaⁿ kap A-hap ê ke ê tui-chin, khan tī Iâ-lō·sat-léng ê téng-bīn, beh chhit Iâ-lō·sat-léng, chhin-chhiūⁿ lāng chhit poāⁿ, chhit-liáu chiū péng-phak. ¹⁴Goá beh pàng-lī Goá ê sán-giáp só· chhun ê; chiong in kau tī tui-ték ê chhiú, in beh chiāⁿ-choè in it-chhè ê tui-ték só· liáh só· chhiúⁿ--ê. ¹⁵In-ūi in tui in ê liát-chó· chhut Ai-kíp ê jít, iā kàu kin-á-jít, siōng-siōng kiáⁿ Goá só· khoàⁿ-choè pháiⁿ ê sū, kek Goá ê siū-khì.

¹⁶Má-ná-se hō· Iû-tāi lāng hoān-choē, kiáⁿ Iâ-hô-hoa só· khoàⁿ-choè pháiⁿ ê sū; i chit ê choē í-goā, koh lāu choē-choē bô-choē ê lāng ê huìh, moá Iâ-lō·sat-léng, tui chit-kak kàu hit-kak. ¹⁷Má-ná-se kî-û ê sū, kìⁿ i só· kiâⁿ ê, kap i só· hoān ê choē, kiám bô lóng kì tī Iû-tāi liát-ông ê kì-liók mah? ¹⁸Má-ná-se kap i ê liát-chó· tâng-khùn, bāi-chòng tī i ka-kī kiong-lāi ê hng, chiū-sī O·sat ê hng. I ê kiáⁿ A-būn soà-chiap i choè ông.

¹⁹A-būn chē-ūi ê sī, jī-cháp-jī hē, tī Iâ-lō·sat-léng choè-ông lēk-kè nng-nū; i ê lāu-bú miâ kiò Bí-su-lī-bít, sī Iok-thē-pa lāng Hap-ló·su ê cha-bó·-kiáⁿ. ²⁰I kiâⁿ Iâ-hô-hoa só· khoàⁿ-choè pháiⁿ ê sū, chhin-chhiūⁿ i ê lāu-pē Má-ná-se só·-choè-ê; ²¹kiâⁿ i ê lāu-pē it-chhè só· kiâⁿ ê lô·, hók-sāi i ê lāu-pē só· hók-sāi hiah ê ngó·siōng; ²²khi-sak Iâ-hô-hoa i ê liát-chó· ê Siōng-tè, bô kiáⁿ Iâ-hô-hoa ê tō-lō·. ²³A-būn ê

jîn-sîn poē-poān i, thâi-sí ông tī ông-kiong-lāi.
²⁴Chóng-sī kok-bîn thâi-sí hiah ê poē-poān A-bûn ông ê lāng. Kok-bîn chiū siat-líp i ê kiáⁿ Iok-se-a soà-chiap i choè-ông. ²⁵A-bûn kî-û só· kiáⁿ ê sū, kiám bô kî tī Iû-tāi liat-ông ê kî-liók mah? ²⁶Bâi-chông tī ka-kī ê bông, tī O·sat ê hng. I ê kiáⁿ Iok-se-a soà-chiap i choè ông.

22 Iok-se-a chē-ūi ê sí, poeh-hè, tī Iâ-lō·sat-léng choè-ông kiông saⁿ-cháp-it nî. I ê lāu-bú miâ kiò Iâ-tí-tāi, sī Pho-su-ka lāng A-tāi-ngá ê cha-bó·kiáⁿ. ²I kiáⁿ Iâ-hô-hoa só· khoàⁿ-choè hó ê sū, kiáⁿ i ê chó· Tāi-pit it-chhè ê lō·, bô phian chó-iū.

³Iok-se-a chấp-poeh nî, ông chhe Bí-su-lân ê sun, A-sat-lī ê kiáⁿ, su-kì Sa-hoan, kàu Iâ-hô-hoa ê tiān, hoan-hù i kóng, ⁴Lí chiūⁿ-khì kîⁿ chē-si-thâu Hi-lék-ka, kah i sng hiah ê toà jlp Iâ-hô-hoa tiān ê gûn, chiū-sī koán-mng--ê tui peh-siⁿ só· siu--ê; ⁵hō· in kau-hō· choè-kang lāng, chiū-sī koán-lí Iâ-hô-hoa tiān ê, hō· in choán-kau Iâ-hô-hoa tiān-lāi choè-kang ê lāng, thang siu-lí tiān phoà-hoāi ê só·chāi; ⁶chiū-sī choán-kau bák-chhiūⁿ, khí-chō ê kap thô·chhiūⁿ, koh boé chhâ-liāu, kap kè-phah ê chióh, lāi siu-lí tiān. ⁷Chóng-sī kau-kè in ê chhiú ê gûn, bô kap in sng; in-ūi in choè tãi-chì sêng-sít.

⁸Chē-si-thâu Hi-lék-ka kâ su-kì Sa-hoan kóng, Goá tī Iâ-hô-hoa tiān-lāi ngó·jiân tit-tiòh lút-hoat ê chheh. Hi-lék-ka chiong chheh kau-hō· Sa-hoan, Sa-hoan chiū thák i. ⁹Su-kì Sa-hoan kàu ông hia, hê-hok ông kóng, Lí ê lô·pók í-keng chiong só· tit-tiòh tī tiān-lāi ê gûn piàⁿ-chhut-lāi, kau hō· pân-lí Iâ-hô-hoa tiān ê choè-kang lāng. ¹⁰Su-kì Sa-hoan koh kâ ông kóng, Chē-si Hi-lék-ka ū thêh chit pún chheh hō· goá. Sa-hoan chiū tī ông ê bîn-

chêng thák i. ¹¹Ông thiaⁿ-kìⁿ lút-hoat chheh ê oē, chiū thiah-líh i ê saⁿ. ¹²Ông hoan-hù chē-si Hi-lék-ka, kap Sa-hoan ê kiáⁿ A-hi-kam, Bí-kai-a ê kiáⁿ A-kek-pho, su-kì Sa-hoan, kap ông ê kûn-sîn A-sat-ngá, kóng, ¹³Lín khì, ūi goá, ūi peh-siⁿ, ūi Iû-tāi chêng-lāng, chiong só· khiòh-tiòh chit pún chheh ê oē mng Iâ-hô-hoa; in-ūi Iâ-hô-hoa toā siū-khì lán, sī in-ūi lán ê liat-chó· bô thiaⁿ-thàn chit ê chheh ê oē, bô chiàu it-chhè só· kî-chài lūn lán-ê lāi kiáⁿ. ¹⁴Tui án-ni chē-si Hi-lék-ka, kap A-hi-kam, A-kek-pho, Sa-hoan, A-sat-ngá, lóng khì kîⁿ lú sian-ti Hō·lék-tāi. I sī Hap-jíⁿ-hap-su ê sun, Tek-oá ê kiáⁿ, koán-lí lé-hók hit ê Sa-liông ê bó·; i tiām tī Iâ-lō·sat-léng tē-jī khu. In kap i kóng. ¹⁵I kâ in kóng, Iâ-hô-hoa Í-sek-liat ê Siông-tè án-ni kóng, Lín khì hê-hok hit ê chhe lín lāi kîⁿ goá ê lāng, kóng, ¹⁶Iâ-hô-hoa án-ni kóng, Khoàⁿ ah, Goá beh kàng chai-ē tī chit só·chāi kap tī chia khiā-khí ê peh-siⁿ, chiū-sī Iû-tāi ông só· thák hit pún chheh ê oē. ¹⁷In-ūi in khì-sak Goá, sio-hiuⁿ tī pát ê siông-tè, ēng in ê chhiú só·choè--ê kek Goá ê siū-khì; só·í Goá siū-khì chit só·chāi, chhin-chhiūⁿ hé tòh bô soah. ¹⁸Chóng-sī chhe lín lāi mng Iâ-hô-hoa ê Iû-tāi ông, lín tiòh án-ni kâ i kóng, Iâ-hô-hoa Í-sek-liat ê Siông-tè án-ni kóng, Lūn-kàu lí só· thiaⁿ-kìⁿ ê oē, ¹⁹chiū-sī thiaⁿ-kìⁿ Goá kong-kek chit só·chāi kap khiā-khí tī chia ê peh-siⁿ, só· kóng beh hō· i pha-hng siū chiū-chó·; lí ê sim chiū nng, lí ka-kī khiam-pi tī Iâ-hô-hoa ê bîn-chêng, koh thiah-líh lí ê saⁿ, tī Goá ê bîn-chêng thî-khau, Goá iā ū thiaⁿ-kìⁿ, che sī Iâ-hô-hoa kóng ê. ²⁰Só·í Goá beh hō· lí kui lí ê liat-chó·, lí beh pêng-an kui-bông; Goá só· beh kàng-lòh tī chit só·chāi it-chhè ê chai-ē, lí ê bák-chiu tek-khak boē khoàⁿ-kîⁿ. In chiū tò-túg--khì hê-hok ông.

23 Ông chhe lāng chū-chip Iû-tāi kap Iā-lō-sat-léng ê cheng tiúⁿ-lô. ²Ông chiū chiūⁿ-khì Iā-hô-hoa ê tiān; Iû-tāi cheng lāng kap khiā-khí Iā-lō-sat-léng ê peh-siⁿ, kap chē-si, sian-ti, kap cheng peh-siⁿ, bô-lūn toā-soè, lóng kap i khì. Ông chiū chiong Iā-hô-hoa tiān-lāi ngó[·]-jiān tit-tiōh iok ê chheh it-chhè ê oē, thak hō[·] in thiaⁿ. ³Ông khiā tī thiāu-piⁿ, tī Iā-hô-hoa ê bīn-cheng lip-iok, beh chīn-seng sūn-thān Iā-hô-hoa, siú I ê kài-bēng, kap kan-cheng ê oē, kap lūt-lē, lâi chiāⁿ chit pún chheh só[·] kì lip-iok ê oē. Peh-siⁿ lóng seng-jīn chit ê iok. ⁴Ông bēng-lēng chē-si-thâu Hi-lék-ka, kap tē-jī-kip ê chē-si, kap kò-mūg ê koaⁿ, chiong ūi-tiōh Pa-lék, kap A-sià-lāh, kap thiⁿ-téng ê bān-siōng, só[·] chō hiah ê khi-kū, poaⁿ-chhut Iā-hô-hoa ê tiān, sio i tī Iā-lō-sat-léng goā, Khip-lūn khoe-piⁿ ê chhān, toà i ê hé-hu kàu Pek-ték-lī. ⁵Cheng Iû-tāi liat-ông só[·] siat-lip pài ngó[·]-siōng ê chē-si, tī Iû-tāi hiah ê siāⁿ, kap Iā-lō-sat-léng si-ūi ê soaⁿ-thâu-toāⁿ sio-hiūⁿ--ê, taⁿ ông lóng lut i, iā lut hiah ê sio-hiūⁿ tī Pa-lék, kap jīt, gēh, hēng-chhiⁿ, í-kíp thiⁿ-téng ê bān-siōng ê. ⁶I koh toà A-sià-lāh chhut Iā-hô-hoa ê tiān, khi Iā-lō-sat-léng goā, kàu Khip-lūn khoe, tī Khip-lūn khoe sio i, tui i choè hún, ēng hit ê hún iā tī peh-siⁿ ê bōng. ⁷Koh húi Iā-hô-hoa tiān-lāi loan-tōng ê chhū, chiū-sī hū-lú ūi-tiōh A-sià-lāh chit pò[·]-piⁿ ê só[·]-chāi. ⁸Koh tui Iû-tāi hiah ê siāⁿ toà hiah ê chē-si chhut-khì, phah lâ-sâm chē-si sio-hiūⁿ ê soaⁿ-thâu-toāⁿ, tui Ka-pa kàu Piāt-sī-pa; iā thiah-húi hiah ê mūg ê soaⁿ-thâu-toāⁿ, chiū-sī tī koán-siāⁿ--ê Iok-su-a ê mūg-cheng, chiū-sī lāng jip siāⁿ-mūg ê tò-pēng. ⁹Chóng-sī soaⁿ-thâu-toāⁿ ê chē-si tī Iā-lō-sat-léng, bô chiūⁿ Iā-hô-hoa ê toāⁿ, chí-ū tī in hiaⁿ-tī tiōng chiāh bô-

kàⁿ-piāⁿ. ¹⁰I koh phah lâ-sâm tī Piān-him-lūn ê Tô-húi-ték, biān-tit lāng tī-hia hō[·] in ê kiáⁿ cha-bó[·]-kiáⁿ keng-kè hé, lâi hiān hō[·] Mô[·]-lók. ¹¹Koh tui-khì Iû-tāi liat-ông hiān hō[·] jīt-thâu hiah ê bé, tī jip Iā-hô-hoa tiān ê só[·]-chāi, tī thài-kām Ná-tan-bí-lék oá-kūn léng-lōng ê chhū; koh ēng hé sio jīt-thâu hiah ê chia. ¹²Iû-tāi liat-ông tī A-hap-su ê lâu-téng ê chhū-koà só[·] khí ê chē-toāⁿ, kap Má-ná-se tī Iā-hô-hoa tiān nng ê īⁿ-tiōng só[·] khí ê toāⁿ, ông lóng húi-hoāi--i, tui hit só[·]-chāi chhian-soá--i, piāⁿ i ê hún tī Khip-lūn khoe. ¹³Chiong-cheng Í-sek-liat ông Só[·]-lô-būn tī Iā-lō-sat-léng ê thâu-cheng, tī siā-phiah-soaⁿ ê chiāⁿ-pēng, só[·] khí ê soaⁿ-thâu-toāⁿ, hók-sāi Se-tūn lāng khó[·]-òⁿ ê A-su-tha-liók, Mô[·]-ap lāng khó[·]-òⁿ ê Ki-boát, A-būn lāng khó[·]-òⁿ ê Bí-lék-kong ê, ông lóng phah lâ-sâm i; koh húi-hoāi hiah ê thiāu-siōng, chhò hiah ê A-sià-lāh, chiong lāng ê kut-thâu chhiong-moá hiah ê só[·]-chāi.

¹⁵Tī Pek-ték-lī ê toāⁿ, í-kíp Nī-pat ê kiáⁿ Iā-lô-phò-àm, hō[·] Í-sek-liat hoān-choē--ê, só[·] khí ê soaⁿ-thâu-biō; taⁿ Iok-se-a húi hit ê toāⁿ kap soaⁿ-thâu-biō, koh sio i ê soaⁿ-thâu-biō, tui i chiāⁿ hún; soà sio hit ê A-sià-lāh. ¹⁶Iok-se-a oát-túg-sin khoàⁿ-kìⁿ soaⁿ--nih hiah ê bōng, chiū chhe lāng khi thēh bōng-lāi ê kut-thâu, sio tī toāⁿ-téng, lâi phah lâ-sâm i; chiāu Iā-hô-hoa só[·] kóng, chiū-sī cheng soan-thoan chia ê tui-chi Siōng-tè ê lô[·]-pók só[·] soan-thoan ê. ¹⁷Iok-se-a kóng, Goá só[·] khoàⁿ-kìⁿ ê chiōh-pi sī sím-mih? Hit ê siāⁿ ê lāng ká i kóng, Chēng ū Siōng-tè ê lô[·]-pók tui Iû-tāi lâi, tui-seng kóng lí hiān-kim só[·] choè ê sū lâi kong-kek Pek-ték-lī ê toāⁿ--ê; chit-ê sī i ê bōng. ¹⁸I kóng, Bóh-tit chhap i, lāng m-thang chhian-soá i ê kut-thâu. In chiū bô tēng-tiōh i ê

kut-thâu, iā bô tâng-tiòh tùi Sat-má-lī-a lâi hit ê sian-ti ê kut-thâu. ¹⁹Sat-má-lī-a hiah ê siâⁿ-lâi soaⁿ-thâu ê chhù, chiū-sī chêng Í-sek-liát chiah ê ông só[·] khí lâi kek Iâ-hô-hoa ê siū-khì-ê, taⁿ Iok-se-a húi i; chiàu i só[·] kiâⁿ tī Pek-ték-lī-ê lâi kiâⁿ tī in; ²⁰koh thâi-sí hit só[·]-châi soaⁿ-thâu-biō ê chè-si tī toāⁿ-téng; iā sio lāng ê kut-thâu tī toāⁿ-téng; chiah tò-khì Iâ-lō[·]-sat-léng.

²¹Ông bēng-lēng cheng peh-siⁿ kóng, Tiòh siú poāⁿ-kè-choeh lâi hók-sāi Iâ-hô-hoa lín ê Siōng-tè, chiàu chit ê iok ê chheh só[·]-kì-ê. ²²Tùi sū-su tī-lí Í-sek-liát ê sī, kap Í-sek-liát-ông, Iû-tāi liát-ông ê sī, sít-châi bē ū siú chhin-chhiūⁿ chit-hō ê poāⁿ-kè-choeh. ²³Chí-ū Iok-se-a ông chấp-poeh nī tī Iâ-lō[·]-sat-léng siú chit ê poāⁿ-kè-choeh hók-sāi Iâ-hô-hoa.

²⁴Iû-tāi toē kap Iâ-lō[·]-sat-léng só[·] ū thiàu-tāng--ê, choè sai-kong-ê, kap ke-lāi ê ngó[·]-siōng, kap sîn-pút, kap it-chhè khó[·]-òⁿ ê mih, Iok-se-a lóng tū i, lâi chiâⁿ lút-hoat ê oē, sī kī tī chè-si Hī-lék-ka tī Iâ-hô-hoa ê tiān só[·] tit-tiòh ê chheh só[·] kī ê. ²⁵Tī Iok-se-a í-chêng bô ū ông chhin-chhiūⁿ i chīn-sim chīn-seng chīn-lát kui-n̄g Iâ-hô-hoa, chiàu Mô[·]-se it-chhè ê lút-hoat; tī i í-āu, iā bô chhut chit ê ông chhin-chhiūⁿ i.

²⁶Chóng-sī Iâ-hô-hoa bô soah I béng-liát ê toā siū-khì, chiū-sī I tùi Iû-tāi hoat-chhut ê siū-khì, sī in-ūi Má-ná-se só[·] kek-tiòh I siū-khì hiah ê sū. ²⁷Iâ-hô-hoa kóng, Goá beh chhian-soá Iû-tāi lī-khui Goá ê bīn-cheng, chhin-chhiūⁿ chhian-soá Í-sek-liát chit-iūⁿ; Goá beh khi-sak Goá só[·] keng chit ê siâⁿ, chiū-sī Iâ-lō[·]-sat-léng, kap chit keng tiān, chiū-sī Goá chí i lâi kóng, goá ê miâ beh tī-hia--ê. ²⁸Iok-se-a kī-ū ê sū, kīⁿ i só[·] kiâⁿ ê, kiám bô lóng kī tī Iû-tāi liát-ông ê kī-liók mah? ²⁹Iok-se-a ê nī-

kan, Ai-kip ông Hoat-ló-nī-ko chiūⁿ Pek-lāh hô, kong-kek A-sút ông, Iok-se-a khi tí-tng i; Ai-kip ông tú-tiòh Iok-se-a tī Bí-kiat-to chiū thâi i. ³⁰I ê jîn-sin ēng chhia chà i ê sin-si tùi Bí-kiat-to, toà i kàu Iâ-lō[·]-sat-léng, bāi-chòng tī i pún-sin ê bōng. Kok-bīn chiong Iok-se-a ê kiáⁿ Iok-hap-su ēng iū boah i, siat-líp i choè ông, soà-chiap i ê lāu-pē.

³¹Iok-hap-su chē-ūi ê sī, jī-cháp-saⁿ hē, tī Iâ-lō[·]-sat-léng choè ông saⁿ-gêh-jit. I ê lāu-bú miâ Hap-bó[·]-tha, sī Líp-ná lāng Iâ-lī-bí ê cha-bó[·]-kiáⁿ. ³²I kiâⁿ Iâ-hô-hoa só[·] khoàⁿ-choe pháiⁿ ê sū, chiàu i ê liát-chó[·] it-chhè só[·] kiâⁿ-ê. ³³Hoat-ló-nī-ko koaiⁿ-kīm i tī Hap-má toē ê Lī-pí-lāh, hō[·] i bô choè ông tī Iâ-lō[·]-sat-léng; koh hō[·] hit-kok chīn-kòng gūn chit-pah tha-liân-tek, kim chit tha-liân-tek. ³⁴Hoat-ló-nī-ko siat-líp Iok-se-a ê kiáⁿ Í-lī-a-keng soà-chiap i ê lāu-pē Iok-se-a choè ông, ká i koé-miâ kiò Iok-ngá-keng; iā toà Iok-hap-su kauē Ai-kip; i chiū sí tī-hia. ³⁵Iok-ngá-keng ēng gūn kap kim hō[·] Hoat-ló, chiàu Hoat-ló ê bēng-lēng, tùi hit toē-hng siu gūn lâi hō[·] i, kiòng-thiu hit toē-hng peh-siⁿ ê kim-gūn, ták-lāng chiàu só[·] phài tiāⁿ-tiòh--ê, lâi hō[·] Hoat-ló-nī-ko.

³⁶Iok-ngá-keng che-ūi ê sī, jī-cháp-gō[·] hē, tī Iâ-lō[·]-sat-léng choè ông, kiòng chấp-it nī. I ê lāu-bú miâ kiò Se-pò[·]-tāi, sī Ló[·]-má lāng Pì-tāi-ngá ê cha-bó[·]-kiáⁿ. ³⁷Iok-ngá-keng kiâⁿ Iâ-hô-hoa só[·] khoàⁿ-choe pháiⁿ ê sū, chiàu i ê liát-chó[·] it-chhè só[·] kiâⁿ ê.

24 Iok-ngá-keng ê nī-kan, Pa-pí-lūn ông Nī-pò[·]-kah-nī-sat chiūⁿ-lâi. Iok-ngá-keng hók-sāi i saⁿ nī; āu-lâi hoán-túg poē-gék i. ²Iâ-hô-hoa chhe Ka-lék-tí ê kun-tūi, A-lân ê kun-tūi, Mô[·]-ap ê kun-tūi, kap A-būn ê kun-tūi, lâi kong-kek i; koh chhe in kong-kek Iû-tāi beh biát i; chiàu Iâ-hô-hoa thok I ê lô[·]-pòk

chiah ê siân-ti só· kóng ê. ³Chit ê sū lîm-kàu Iû-tâi, sít-chāi sī tùi Iâ-hô-hoa ê bēng-lēng beh chhian-soá i, lī-khui I ê bīn-chēng; che lóng sī in-ūi Má-ná-se ê choē, chiàu i it-chhè só· kiāⁿ ê; ⁴iā ūi-tiōh i lâu bô-choē ê lāng ê huìh, in-ūi i ēng bô-choē ê lāng ê huìh chhiong-moá Iâ-lō·sat-léng; chit ê choē Iâ-hô-hoa m̄-khéng sià-bián. ⁵Iok-ngá-kèng kī-ū ê sū, kìⁿ i só· kiāⁿ ê, kiám bô lóng kì tī Iû-tâi liát-ông ê kì-liók mah? ⁶Iok-ngá-kèng kap i ê liát-chó· tâng-khùn; i ê kiáⁿ Iok-ngá-kun soà-chiap i choē-ông. ⁷Ai-kip ông bô koh tùi i ê toē chhut-lâi; in-ūi Pa-pí-lûn ū ông chhú kìⁿ siók Ai-kip ông ê toē, tùi Ai-kip sió-hô, kàu Pek-lâh hô.

⁸Iok-ngá-kun chē-ūi ê sī, chấp-poeh-hè, tī Iâ-lō·sat-léng choē ông saⁿ-gêh-jit; i ê lâu-bú miá kiò Nî-hô·si-tha, sī Iâ-lō·sat-léng lāng Í-lī-ná-tan ê cha-bó·kiáⁿ. ⁹Iok-ngá-kun kiāⁿ Iâ-hô-hoa só· khoàⁿ-choē pháiⁿ ê sū, chiàu i ê lâu-pē it-chhè só· kiāⁿ.

¹⁰Hít-sī Pa-pí-lûn ông Nî-pò·kah-nî-sat ê jîn-sîn chiūⁿ lâi Iâ-lō·sat-léng, ūi-khùn hit ê siáⁿ. ¹¹Tng i ê jîn-sîn ūi-khùn siáⁿ ê sī, Pa-pí-lûn ông Nî-pò·kah-nî-sat chiūⁿ lâi. ¹²Iû-tâi ông Iok-ngá-kun chhut siáⁿ kàu Pa-pí-lûn ông hia, i kap i ê lâu-bú, kap i ê jîn-sîn, siú-léng, thài-kàm, lóng khi. Pa-pí-lûn ông liáh i; tī i choē ông tē-poeh nī. ¹³Koh chiong Iâ-hô-hoa tiān-lāi ê pó-mih, kap ông-kiong ê pó-mih, lóng tùi hia thêh-khi; chiong Í-sek-liát ông Só·lô-bûn só· chō Iâ-hô-hoa tiān-lāi ê kim-khi, lóng phah-phoà, chiàu Iâ-hô-hoa só· kóng ê oē; ¹⁴koh chiong Iâ-lō·sat-léng ê chēng peh-siⁿ, kap chēng siú-léng, í-kip só· ū toā koân-lēng ê íong-sū, kiōng chit-bān lāng, liân it-chhè ê kang-chhiūⁿ, thih-chhiūⁿ, lóng liáh-khi; tū kok-lāi kék sòng-hiong ê lāng í-goā, bô

chhun chit-ê; ¹⁵iā toà Iok-ngá-kun kàu Pa-pí-lûn, kap thài-hō·, hō·-hui, thài-kàm, kap kok-lāi ê toā-koaⁿ, lóng liáh i tùi Iâ-lō·sat-léng kàu Pa-pí-lûn. ¹⁶Koh chiong it-chhè ê íong-sū chhit-chheng lāng, kap kang-chhiūⁿ, thih-chhiūⁿ, chit-chheng lāng, lóng sī íong-chōng oē chiūⁿ-tīn-ê, Pa-pí-lûn ông lóng liáh i kàu Pa-pí-lûn. ¹⁷Pa-pí-lûn ông siat-líp Iok-ngá-kun ê chek Má-thàm-ngá choē ông soà-chiap i, oāⁿ i ê miá kiò Se-tí-ka.

¹⁸Se-tí-ka chē-ūi ê sī, jī-cháp-it hē, tī Iâ-lō·sat-léng choē ông chấp-it nī; i ê lâu-bú miá Hap-bō·tha, sī Líp-ná lāng Iâ-lī-bí ê cha-bó·kiáⁿ. ¹⁹I kiāⁿ Iâ-hô-hoa só· khoàⁿ-choē pháiⁿ ê sū, chiàu Iok-ngá-kèng it-chhè só· kiāⁿ ê. ²⁰Iâ-lō·sat-léng kap Iû-tâi tú-tiōh chiah ê sū, sī in-ūi Iâ-hô-hoa hoat-chhut siū-khi, beh tùi I ê bīn-chēng koáⁿ-chhut in.

25 Se-tí-ka poē-poān Pa-pí-lûn ông. Tng i chē-ūi tē-káu nī, chấp-gêh chhoe-cháp, Pa-pí-lûn ông Nî-pò·kah-nî-sat chhoā i choân-kun lâi kong-kek Iâ-lō·sat-léng, tī siáⁿ ê tui-bīn chat-iāⁿ, koh tī sī-ūi choh thô·tui kong-kek siáⁿ. ²Tùi án-ni siáⁿ siū ūi-khùn, tit-kàu Se-tí-ka ông chấp-it nī. ³Sī-gêh chhoe-káu jit, siáⁿ-lāi ki-hng chin siong-tiōng, tī-kàu hit só· chāi ê peh-siⁿ lóng bô bí-niū. ⁴Siáⁿ siū kong-phoà, it-chhè ê peng-teng thau-mī, tùi oá-kūn ông ê hng, nng ê siáⁿ-chhiūⁿ tiong ê mng hit tiâu lō· tô-cháu. Ka-lék-tí lāng tú-tú tī sī-ūi kong-kek siáⁿ, ông chiūⁿ tùi A-láh-pa ê lō· tô-cháu. ⁵Ka-lék-tí ê kun-peng tui-jip ông, tī Iâ-lī-ko ê pīⁿ-iūⁿ tui-tiōh i, i ê choân-kun lóng lī-khui i sī-soàⁿ. ⁶In liáh-tiōh ông, toà kàu Lī-pí-láh Pa-pí-lûn ông hia, chiūⁿ sīm-phoàⁿ i. ⁷Tī Se-tí-ka ê bák-chiu chēng, thài-sí Se-tí-ka hiah ê kiáⁿ, koh iah Se-tí-ka nng-lúi bák-chiu, ēng thih-liān liān i, toà i kàu Pa-pí-lûn.

⁸Pa-pí-lùn ông Nî-pò·kah-nî-sat ông chấp káu nî, gō·gêh chhoe-chhit jlt, kun-súi Pa-pí-lùn ông ê sī-oē-tiúⁿ Nî-pò·sat-láh-tàn kàu Iâ-lō·sat-léng; ēng hé sio Iâ-hô-hoa ê tiān, kap ông-kiong, koh ēng hé sio Iâ-lō·sat-léng it-chhè ê chhù, chiū-sī hù-kùi ke ê chhù. ¹⁰Kun-tè sī-oē-tiúⁿ Ka-lék-tí ê choân-kun, chiū thiah-húi Iâ-lō·sat-léng sî-ûi ê siāⁿ-chhiūⁿ. ¹¹Hit-sī sī-oē-tiúⁿ Nî-pò·sat-láh-tàn, chiong lâu tī siāⁿ-lāi só· chhun ê peh-siⁿ, kap hiah ê tau-hâng Pa-pí-lùn ông ê, í-kip cheng-lâng tiong só· chhun-ê, lóng liáh-khì. ¹²Tók-tók sī-oē-tiúⁿ lâu tē-it sòng-hiong-ê, hō· in tī-lí phû-tô-hng kap cheng-choh. ¹³Iâ-hô-hoa tiān-lāi ê tâng-thiâu, kap Iâ-hô-hoa tiān-lāi ê phûn-chō, í-kip tâng-hái, Ka-lék-tí lêng lóng phah-phoà, chiong hiah ê tâng ũn-kàu Pa-pí-lùn; ¹⁴koh toà-khì tiáⁿ, thuh-á, chián-to, oáⁿ, kap só· ēng it-chhè ê tâng-khì; ¹⁵hé-lô·, poáⁿ, it-chhè kim-khì ê kim, gûn-khì ê gûn, sī-oē-tiúⁿ lóng toà-khì. ¹⁶Koh toà Sô·lô-bun ông ũi Iâ-hô-hoa ê tiān só· chhòng nng ki thiâu, chit ê tâng-hái, kap hiah ê chō; chiah ê khì-kū ê tâng boē-oē chhin i ê khin-tâng. ¹⁷Chit ki thiâu koaiⁿ chấp-poeh tiú, i ê téng-bīn ũ tâng ê thiâu-táu; thiâu-táu koaiⁿ saⁿ-tiú; thiâu-táu ê chiu-ûi ũ bāng-á kap siáh-liû, lóng sī tâng choè ê; tē-jī ki thiâu siāng chit khoán, iā ũ bāng-á.

¹⁸Sī-oē-tiúⁿ liáh chè-si-thâu Se-lâi-ngá, kap tē jī kip ê chè-si Se-hoan-a, kap saⁿ ê kò-mng-ê; ¹⁹koh tui siāⁿ-lāi liáh chit ê khoán-peng ê koaⁿ, kap tī siāⁿ-lāi só· tú-tiòh siông-siông kīⁿ ông ê bīn ê gō· lêng, kap kun-tiúⁿ ê su-kì tiám-sng peh-siⁿ ê, í-kip siāⁿ-tiong só· tú-tiòh ê kok-bīn lák-cháp lêng. ²⁰Sī-oē-tiúⁿ Nî-pò·sat-láh-tàn chiong chiah ê lêng toà kàu Lī-pí-láh, Pa-pí-lùn ông hia. ²¹Pa-pí-lùn ông

phah in tī Hap-má toē ê Lī-pí-láh, thài-sí in. Án-ni Iû-tāi ê peh-siⁿ siū-liáh lī-khui pún-toē. ²²Lūn-kàu Iû-tāi kok chhun ê peh-siⁿ, chiū-sī Pa-pí-lùn ông Nî-pò·kah-nî-sat só· lâu-ê, ông siat-lip Sa-hoan ê sun, A-hi-kam ê kiáⁿ, Ki-tāi-lī, khoán-hat in.

²³Cheng kun-tiúⁿ kap siók in ê lêng, thiaⁿ-kīⁿ Pa-pí-lùn ông siat-lip Ki-tāi-lī khoán-hat in. Tui án-ni Nî-tham-ngá ê kiáⁿ Í-sit-má-lī, ka-lī-a ê kiáⁿ Iok-hap-lân, Nî-tô-hoat ê lêng Tan-hō·biát ê kiáⁿ Se-lâi-ngá, Má-ka lêng ê kiáⁿ Ngá-sat-nî-a, kap siók in ê lêng, lóng kàu Bí-su-pa kīⁿ Ki-tāi-lī. ²⁴Ki-tāi-lī tui in kap siók in ê lêng chiū-choā, kóng, Lín bôh-tit kiaⁿ Ka-lék-tí ê jīn-sīn; choè lín tiām chit só· chāi, hók-sāi Pa-pí-lùn ông, chiū thang tit-tiòh hok-khì. ²⁵Chhit-gêh-kan ông-chhin Í-lī-sa-má ê sun, Nî-tham-ngá ê kiáⁿ, Í-sit-má-lī, toà chấp-lêng kap i lâi, phah-sí Ki-tāi-lī í-kip kap i tī Bí-su-pa ê Iû-tāi lêng, kap Ka-lék-tí lêng. ²⁶Tui án-ni cheng peh-siⁿ bô-lun toā-soè, kap hiah ê kun-tiúⁿ, lóng khí-lái khì Ai-kip; in-ūi kiaⁿ Ka-lék-tí lêng ê iân-kò·.

²⁷Iû-tāi ông Iok-ngá-kun siū-liáh liáu-āu tē saⁿ-cháp-chhit nî, Pa-pí-lùn ông Í-bī-bí-lô-tát goân--nî, chấp-jī gēh jī-cháp-chhit jlt, kú-khí Iû-tāi ông Iok-ngá-kun, pàng i chhut-kaⁿ. ²⁸Iáh ēng hó-oē an-ùi i, hō· i ê ũi khah-koaiⁿ kī-û chiah ê ông ê ũi, chiū-sī kap i tâng tī Pa-pí-lùn ê. ²⁹Theng--khì i kaⁿ-lāi só· chheng ê saⁿ, chit-si-lêng kap Pa-pí-lùn ông saⁿ-kap chiah. ³⁰Pa-pí-lùn ông siúⁿ-sù i só· khiām-ēng ê sit-bút, jlt-jlt hō· i chit-hūn, chit-si-lêng lóng sī án-ni.